



Byahandikiawa na Jon haima na Judith Witt

Kokuwangaza n'Erikolera Ekyalo Kyaghu erilhaba
omwa Ngulhu Yowene

Eryanza Ekyalo Kyaghu

Eryanza Ekyalo Kyaghu

Kokuwangaza n'Erikolera Ekyalo Kyaghu erilhaba omwa Ngulhu Yowene

Eb'erigha 10 ebyekithunga erigha ebikolirwe habwa eriwathikya abo lhwanzo
n'eriwathikya abikalhani omwabyalho ebye Africa omwangulhu y'owene.

Byahandikiawa na Jon haima na Judith Witt

Edition eya Kani, kyasubawamo omo Kwakani, 2020

Eryanza Ekyalo Kyaghu, Edition eya Kani, OKwakani, 2020

Copyright © Jon haima na Judith Witt haima ne Dignity, 2020. Ehamulhi eyosi thulinayo.

Hika okwa Dignity

Erilhaba omwaposita: 6 Barlow Moor Road, Didsbury. Manchester, M20 6TR, UK

Erilhaba okwa imailhu: hello@dignityonline.org.uk

Erilhaba okwasimu: +44(0)7340753937

Ewasingya

Dignity ikaha ewasingya oku Yesu habo buyingo akaha indi tuyitegherera ekitabu kino.

Dignity ikaha ewasingya okwa buli mundu n'eriysyetera oyowahereyo busana n'omubiri ono.

Omubiri owe Dignity

Dignity ikakolengana nabokomusike owab'ekithunga kandi bakahira omuhwa omwihindulha esyongebe kandi n'omwabitsweka eriletha obwiranda erilhwa omwabunakwa erilhaba omwabuhughu na Yesu. Thukathoka eki kutsibutsibu erilaba omwa Ebithongole Eby'engebe ebikathokesaya abandu erighenda hakuhihakuhi na Yesu kandi n'erikangania olhwanzo lhuwe okwabathutimbireko. Erilhaba omwamubiri wethu, thukalhangira abandu ibikere esyongebe esy'eriswekyia kandi n'eribyaughuma okwa bithikothiko obulikiro. Bana ebindi binene okwa www.dignityonline.org.uk

E timu eyiri enyuma we Eryanza Ekyalo Kyaghu

Abasomi abalyakilabamo: Kate Germany, Robert Nettleton, Isaac Mbabazi, Clare

Myring & Abigail Cummings

Ebyerilhangirako: Amani Brown

Omubinduli: Rev. Mbusa Bahweribugha Eric

Ebyahandikirwe erilhwa omwa Biblia

Bible in Kinandi © Bible Society of the Democratic Republic of Congo, and Bible Society of Uganda, 1980. Ehamulhi eyosi thulinayo. Kyakolesibirwe erikiribwa omwabuhandike erilhwa oko yukakihukaya.

Ebiminyikalhu Ebyerighendereko

Ebiminyikalhu ebyerighendereko biryakolawa ne Metro Icon Studio 5

byamahulhukibwa na SyncFusion. Ebiminyikalhu bikakolesibawa nobuhamulhi.

Ebihambangene okwa ‘Eryanza Ekyalo Kyaghu’

Eryanza Ekyalo Kyaghu nikyerigha ekyikalhubirira erikuwathikya haima nekithongole ekyabanywani baghu erirebya ngokumwangawathikya eryanza ekyalo Kyenyu omwamikolere erilhaba omwa Ngulhu Yowene. Ekitabu kino kyikendikuwathikya eriminyanya habwaki utholere iwabya ukakolha okwamibiri eyomwakyalo kyenyu kandi kyekendikuwathikya erirengekania ngokuwangakolhakyo ghuthi. E Biblia ikathuha emyatsi mikulhu mikulhu, thwangaghaniryakuyo haghuma n’erihira omwamikolere; ikendithuwathikya erihindulha ahathwikere.

Ebihambangenere okwa kyino

Kyino nikighuma okwangulhu eyinemulhalhanibwa omwabihugho.

Aba Kristayo haima nabandi bandu omwa kyalo bakaletthawa haghuma erigha e Biblia, ibakulha haghuma omwabuhughu bwa Kristo kandi ebigha ng’okuwangaletthaho embaghane omwamwanya owathwikeremo.

Abahandikyi abekyerigha kino bakikiriraya bathi kulenga w’eriretha bandu banene haima n’ebindu erilhwa eyihya, obuthuku bunene, ebindu haima n’ebindu ibikayithayibawa eritsuka eretha ekyembaghane omwabyalo ebye Africa byanginabanika omwa byalo ebyo nibya.

Thukikiriraya thuthi aba bakendibya bandu abamaka nge ‘Miti Y’eterebinti Y’eritunganene’ omwabikalani babo haima n’omwabanywani. Thukanza erihera emithi ‘Y’eterebinti’ ngokwathwangathoka n’eriwathikyayo erikulha kundu ng’okuwangatoka.

Ebihambangene okwabahandikyi

Jon Paul Witt haima na mukali wiwe iya Judith hathya bikere hauma na bana babo 3 omwa Mkushi, Zambia. Mubimanira ekithunga ekikahulhawamo Dignity ekiri e Zambia haima ne Bwengerenza. Jon abirikolha omwabihugho

binene omwa Africa kandi ng'omuthuliri e Bwengerenza. Jon awithe eMasitanzi omwa Theologi Kandi ahanyumaho omwangebe yiwe, mwakolha nga ingiya owe syoprogramu esikaya omwakyuma kyakalimagenzi.

Judith ni muthahwa kandi mama mukulhu ow'abana biwe 3. Abirikolha habwa mwaka minene e Bwengerenza ngomukoli w'ebyobuhangwa, kandi abirikolha omwabihugho binene ebya Africa omwamyanya minene.

Aboosi bawithe obwagha bwerilhangira ebyalo ebya Africa ebyabirihinduka erilhaba omwamaani aw'erithulha Engulhu erikolera omwabo abikere omwabyalo binene, amathalha haima n'omwamiyi eyikerwemo eye Africa.

Ebihambangene okwa Dignity

Dignity kyahirawaho na Jon haima na banywanibiwe omwaka 2007 kandi kyikayihayo eriathikya amakanisa w'omwabyalo omwa Africa erikulha omwiminy n'olhwanzo Ihwa Nyamuhanga. Thukikiriraya thuthi ng'abandu erikolha ekyi, bakatsuka erighenda embere na maaha, erighuma haima n'olhwanzo erikolha eky'embaghane ekyekendisyasighalha omwakihugho nibya.

Olhwanzo Ihwa Nyamuhanga Kandi n'erihindulhwa obuthuku bunene bukaletsa ekyembaghane omwa mithima eyabikalhani kandi haima n'abikalhani abo bulhume na bobukali. Ekilhubirirwa kyikulhu ekye Dignity ly'erihera ekye Biblia ikahulhamo, "Miti y'eterebinti Y'eritunganene", omwabuli kyalo omwa Africa. Thukikiriraya thuthi abandu aba bakendibya abo aba Nyamuhanga akakolesaya erihindulha n'eriwania esyongebe esyabulimundu busana n'eriwana, ehosi hano n'omwabuyingo buthabahwa.

Ekyo sikyilhubirirwa kyike kandi thukayithagha eriathikya lyaghu erilhangira indi ekyi kyamabyaho.

Ebirimo

Ngokuwangakolesya ekitabu kino	1
Eribya n’abana buthahuthalha omughulhu muli omwabithongole by’Ngebe.....	6
1: Nyamuhanga ni Lhwanzo	8
2: Olhwanzo Ihwa Nyamuhanga Ihukatsuka Erikolha	15
3: Uli Mwana wa Nyamuhanga	24
4: Muheyo ng’eKanisa eye Makedoniya	32
5: Emibiri ya Nyamuhanga Omwa Kyalo Kyeghu	40
6: Ebinywa Sibirighunza	49
7: Nyamuhanga Akathuha Ebithuliko Bwagha.....	58
8: Erikirirya – Thutholere Erikiririrya	65
9: Erikolesya Esya Talanta Syaghu.....	74
10: Olhwanzo Ihwa Nyamuhanga Lhukalandaghana	82

Ngokuwangakolesya ekitabu kino

Ekitabu kino kyikolirwe erikolesibwa nge kyeryeghesya ekithongole. Omundu omwimaniri w'eky'erigha musa yoyukayithagha eribya nakyo. Lengesaye erighunza eky'erigha omwa sya saaha 1.5-2. Wamasangana iwukayithagha mughulhu munene, wanginaghunza eky'erigha 1 omwa syasaha 2.

Thukikiriraya thuthi omughulhu ukigha bino, ukendithunga ebindu ebyo bwenge ebyowangakolesya omwa kyallo kyaghu. Thukakukakamiriraya erikwama kyatsuka n'erikolhabyo n'omundu wosiwosi oyowanginalengesya. Ekyalo kyaghu kyanginahindulhwa naghu haima nabandi banywani baghu bake n'abarihika lyaghu. Haima na Nyamuhanga, wanginakolha ebyerihunererya binene habwa bulimundu omwa kyalhu kyaghu.

Ngo kuwangimanira eky'erigha

Nikyo mubongo indi iwakolesya obumundu omwabyerigha. Si mwatsi werisoma lisa eky'erigha neribwira abandu ekyabangakolha. Thukakiriraya indi obulhi mundu anawithe ekindu ekyembaghane eky'angakolha kandi ekya Nyamuhanga akatweghesya arilhaba omwa bathunthimbireko. Neryo, ebyerigha bihandikirwe omwamibere indi obulhi abandu batholere ibakolesibwa. Mune emolhondo eyeribuka, ebibulho, amasatha, emighane haima nemilhonde ebyikendiyithagha obuli mundu erikolhako.

Ngo mwimaniri ow'ekithongole, utholere iwatsuka omukania kandi iwawathikya erilhangira indi akaghenda omwa nzira eyitholerene, baithu iwe sighutholere erikolha ebindu byosi ighuwene.

Ukakamiriraye abandu abakakwa esisoni nabahunerere erilhangira indi bamalengesya eribugha ngokubanginathoka. Ukakamiriraye abandu abakabugha mulenge mulhi kandi nabakabugha binene eriha abandi endambi erighabana obulengekania bwabo nibya.

Ekitholherene erikolhwa omwa bulhi ky'erigha

Ebyerigha bitakaninzibirwe eribya byolho kandi sibiriyethagha ebyerikolhesibwa binene. Ukendiyithagha:

- Ekopi eye kitabu kino busana nomwimaniri omwe kyerigha
- E Biblia (kyi kawathikaya abandu bake omwa kithongole bamasa ne Biblia nibya, baithu sikyikulhu kutsibu)
- Esysa kalamu haima nolhupapura, ebikakolesibawa omwa mibiiri. Ukakamiriraye abandu eryasanabyo erihwa eka.

Hamabya ekindi ekyikayithayibawa, ekyo ekyaminyererwa okwitsuka erylwe ky'erigha ekyakayisunzibawamo. Iwathekatheka ebindu ebyo lhuba uthewatsuka.

Ebiminyikalhu ebyerikuwathikya

Erikuwathikya eryembembethya ebyerigha, thukahiramo ebiminyikalhu erikubwira obulhi kyihande nganikiyi. Ebiminyikalhu binakanganirwe ahiisi aha ngabikamanyisayaki. Uthwale obuthuku eriminyi obuli kaminyikalhu ngakamanyisayaki kandi nerisamalira omwaby'erigha bike nerilebya ebiminyikalhu ngabikakolesibawa bithi. Ekyi kyikendikwanguhirya omughulhu ukambembethaya eky'erigha.



Ekilhubirirwa

Eky'erigha kyosi kyikatsuka nekilhubirirwa. Ekyi kyikakuwathikaya omwabyeryeghesya ekithongole kandi nekyo bulimundu atholere erikenga enyuma werikolha eky'erigha. Utholere iwibuka ebilhubirirwa omwabyenge kandi iwayibulya ngaghunemuwathikya abandu eribihikako. Kyowene eritsuka erighana ekilhubirirwa haima ne kithongole.



Omulhondo w'Eribuka

Obuli mundu ighe omulhondo weribuka kandi athoke eribughagho

eky'erigha kyikahwamo. Utholere ereghesyagho ekithongole omwisomagho nahakalhwa omwa Biblia omwamulenge munene. Neryo, iwathasyasomagho baithu lero katseka kaghuma kaghuma, mwabikebike, abekithongole ibanemusuba omobuli katsweka enyuma syaghu. Iwasubiriramo, iwuneghenda ukasoma ehitsweka hirigho, abekithongole ibanemusubamo obulhi kitsweka erihika ahobulhi mundu anginabugha omulhondo owosi isighuthamuwathikya. Kakamiriraya abandi bandu erilengesya nerisubamo ibo ibibene.



Omughane

Emighane nimibere eyowene eritsukiramo amasomo kandi erigha eritsuka ekyoghunasi ndeke. Obulimundu akatsemera eryowa emighane kandi yolhobire eribuka! Omughulhu ukabugha emighane okwakithongole, ulengesaye eribaletha omwabyabulikiro omwibya wamasatha. Hamabya omundu wosiwosi omwakithongole oyowais erithulagho emighane, kyowene eribugha uthi athule emighane. Utholere eritsuka eribabulya erigha lithelyahika neryo iwabaha obthuku bwerithekatheka.



Obwenge bwe Biblia

Eky'erigha kyosikyosi kiwithe nikyiniyki ekyisakire 1 erilhwa omwa Biblia, n'ebindi biwithe binene. Hamabya abandu omwakithongole kyaghu abakasoma ndeke, wanginasababo erikusomerabyo. Ubasabe lhuba nikobalabe mubyo kuste sibabughe bathi sibatsire erisoma. Wibuke uthi abandi bandu sibangasoma neryo eribabulya uthi basome embere syabandu isibangasyathoka eribughabathi eyi ryanginabahemulha.



Erikania

Hane ebindi bitsweka ebikayithagha indi bisomawe omwamulenge munene erilhwa omwa kitabu. Omughulhu ukalhaba omwebyo,

iwaghunamu kake kake; kulhabirirya enyuma we kindu kikulhu, kandi iwabulya abandu ngabanamakenga ekyo w'ukabugha. Byamabya isibathakenga, wanginayithagha erisubamo kutse erihanulha okwakindu ekyaleka ibakenga.



Erihanulha

Erisubano ebibulho kandi nerihanulha okwabindu bikaleka abandu ibigha kandi ibayibanira ebindi ibobenebene. Ekyi kyikaleka ibakibuka. Omughulhu ukalhangira akaminyikalhu akeyibulho, nikikulhu indi iwabulya ekithongole ekibulyo kandi iwakakamirirya abandu bake erisubamo. Obundi buthuku ebibulyo nibyerihanulhako omwahithongole hikehike. Eky'erigha kyamakubwira kithya, ughabe abandu mwahithongole ehyabandu 3 kuste 4 kandi ubahe obuthuku obwerihanulha okwa kibulyo. Omughulhu ekithongole ekyosi kyikasuba haghuma, ubahe obuthuku obulhi kithongole erighabana ekighuma kutse bibiri okwa milhonde eyabalyaghabana.

Hamabya bibulyo binene kutse ebikalwa omwa Biblia ebyabandu bakanza, wanginakakamirirya omundu erilua omwabuli kithongole eritheri ekisasani ekye kibulyo erikolesya esiimu kutse erithekatheka lhuba omwihandika ebibulho ebyo.



Ekyerikola

Abandu bakigha erilhaba omwisatha kandi nerikolha ekindu. Ebyerikolha bikaleka ekyi ekyabya. Uhire obuli mundu omwa mibiri kandi ukakamirirayebo erisatha ibanimukolha!



Erisaba

Ekyo Nyamuhanga abugha nabandu nikyikulhu kutsibu. Thukanza erikakamirirya ekithongole kyaghu eribya mukasaba na kandi no buli mughuma kokukyangathokekana. Omughulhu ukalhangira

akaminyikalhu kano; iwasaba abandu uthi basabe. Hali mirimgo minene eyerisabiramo eyikakolesibawa omwakitabu kino ekyosi. Owundi mughulhu, ekithongole kyikasabawa erisaba haghuma, owundi mughulhu omwa bithongole bikebike, kandi owundi mughulhu mwababiribabiri. Oghundi mughulhu abandu bakasabawa erisaba bukuthu. Nikyo mughasu erihayo obuthuku obukaghunza habwerisaba kandi ukakamiriraye abandu erighulikirira ekya Nyamuhanda akabugha.



Ekyerireberyako ithwe Erighenderako

Ekyerireberyako ekyabandi bandu kyanginathuha omuhwa. Obuli yenga thukendisoma okwamundu oyo engebe yiwe yinginabya ekyerireberyako busana nethu.



Ekyerikolha eyenga eno

Obuli yenga hali omubiri owa bandu erikolhera eka. Usobolhereyo ndeke erilhangira indi abandu bamakengayo kandi ukakamirirayebo erikolhawe omwa yenga. Okwitsuka obulhi eky'erigha, uhe abandu bo buthuku obweriyibulyako ngamubakanakolha ekerikolha ekye babya bahereribwe kandi ngamubyaghanda bithi.

Ebisakirwe omwa Biblia n'ahabikalhwa

Omughulhu ukalhangira erina kandi ne syanamba isineko elaini ahisi ngeno Esyonyimbo 1:4-6; kyikakukanganaya ekyisakire ekyiri omwa Biblia. Ekyi kyikamanyisaya indi usome erilua omwa kitabu eky'Esyonyimbo, ekyitsweka 1, omulhomdo 4 erihika oku 6.

Eribya n'abana buthahuthalha omughulhu muli omwabithongole by'Ngebe

Ithwebosi haghuma, thukahiraho ebilhaghiro ebyanginathokekana busana neribya nabaana buthahuthalha omughulhu bali eka kutse haima nethu omwa Kithongole eky'Engebe. Ebilhayiro bino nibikulhu erikolha omwayindi myanya yobuyingo bwethu nibya. Namuthwangabya ithukakolha omwamalima wethu, okwa kanisa kutse n'abanywani bethu, Nyamuhanga akayisutza indi abaana babye buthahuthalha.



Obulhimundu oyukahindana omwakithongole atholere inialangira athi abaana bane buthahuthalha eka kandi banemulhabirirwa n'omundu muyiketherwa kutse abaletha abana haghuma nabo.



Abimaniri eb'ekithongole batholere eribukya abandu abali omwakithongole erilhangira bathi abaana babo babye buthahuthalya eka kandi banemulhabirirwa n'omundu muyiketherwa kandi emwathangirira abaana omwa kithongole.



Omundu wosiwosi omwakithongole oyukakolha n'abaana syase akolhe iyowene baithu n'omundu mughuma kutse babiri. Bamabya bandu babiri, sibasebabye ibakalwa omwihika lighuma. (Ibalwa omwamahika awathasosene.)



Abo abakakolha n'abaana omwakithongole babye abo abalwe ibane mubanika omughulhu woosi habwa nikiyini menzi 3.



Abimaniri abe kithongole haima n'abalimo sibase bathere ebisasani eby'abaana omughulhu nabo bamakolha omwa mibiri eye Kithongole eky'Engebe.



Abaana bamaghabana ebyalya omughulhu bali omwisangasanga na eryl kithongole, ulhangire indi nibibuya busana nabo eriryabyo.



Abandu abali omwa kithongole abakabungira emiyi omwa kypindi baghende babiribabiri, ekyerirebyeryako; abalhume 2 eribungira omulhume kutse abakali 2 eribungira omukali.

1: Nyamuhanga ni Lhwanzo



Ekilhubirirwa

Ekilhubirirwa ekye ky'erigha eky'eyenga eno nibusana na bamemba abe kithongole kyaghu eriminyana kandi nerigha oku Nyamuhanga, oyuli lhwanzo. Erimbere, thwalha esyodakika nyike eriha obuli mundu omwakithongole omughulhu weriramukania.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Netu twabiriminya, kandi twikirirye olwanzo olo Nyamuhanga abiritwanzamo. Nyamuhanga ni lwanzo, n'oyuli n'olwanzo amatikene na Nyamuhanga, kandi Nyamuhanga amatikene naye.

1 Yoane 4:16



Obwenge bwe Biblia

Soma ekysisakire ekye Biblia ekiri ahakabunu aha omwamulenge munene okwabuli mundu omwakithongole. Nimughane owahambangene oku Yesu akakanganaya olhukeri lhwabandu banene.

Yesu abyawithe olhukeri lhunene indi omwamughane mughuma, mwatsuka erilirira okwa muyi.

Eryeghesya oku Nyamuhanga, Yesu inakakolesaya emighane. Emighane eyi nimisyo. Ikakolesaya ebyerilhanigirirako ebyabulikiro erithuwathikya erikenga Nyamuhanga ngokwali.



Omughane ow'Embuli Eyathalha (Luka 15:1-7)

¹Neryo abasolesya bosi n'abakolanabi mobahika hakuhi na Yesu erimowa. ²Neryo Abafarisayo n'abakangirirya b'Emigambo mobayikuna bati, Omundu oyu akakokaya abakola-nabi n'erirya haguma nabo. ³Kyaleka Yesu iniatwirabo omusyo oyu ati, ⁴Omundu ukw'inywe amabya awite esyombuli igana, amatalya enguma, akakolaki, kwehi? Akasiganaya esyombuli amakumi mwenda n'omwenda omo mbwarara, akayakwamirira embuli eyitere erihika aho asyabanirayo. ⁵Omugulu akabanayo, akatsema, iniahirayo oko bitigo biwe, ⁶n'eritwalayo eka wuwe. Neryo akabirikira bira buwe n'abalikyabo haguma, iniabwirabo ati, Mutseme haguma nage, kusangwa namabana embuli yage eyilwe yitere! ⁷Ngababwira nyiti, Litya obutseme bunene bwasyabya

*elubula busana n’omukola-nabi muguma oyukabindula
omutima n’erireka ebibi kwilaba obutseme busana n’abandu
batunganene amakumi mwenda n’omwenda abate n’obwaga
bw’eribindula emitima n’erireka ebibi.*

Omwakitabu kya Matayo, olwanzo olhu olwa Nyamuhanga awithire
‘esyombuli’ abali bandu biwe abathuthimbireko ehosi
lhukalhangirawa omughulhu akalirira abandu obomwamuyi we
Yerusalema, ye Isilaheri ey’omughulhu ono.

Somera Matayo 23:37 y’ekithongole omwamulenge munene.

*Uwe Yerusalema, Yerusalema! Ukita abaminyereri, n’eriita omo
mabwe abakwenda abo Nyamuhanga akatuma uk’uwe!
Engendo singahi nabya nyanzire erihindania abana bawe bo
haguma, ng’eributi ko likahindanaya ehipyege yalyo omo
bipupa byalyo. Nikwa momutanza!*

Yesu mwasamalira omuyi owe Yerusalema neryo mwibuka ebibi bya
bandu. Mwalhangira obuli kindu ekyabya kyikakolhwa nabuli
mundu. N’omwakyanabya indi babya ibabiritha abo Nyamuhanga
athuma, mwanza erihindaniabo ng’eributi ko likahindanaya
emithyeghe yalyo omo bipupa byalo. Mwakwirabo obulighe.

Ibyaswire n’okinigha? Ibyanzire eriherya omuyi? Eyihi! Ibyaswire
n’obulighe busana n’abandu ababya mugho – ng’eributhi. Obuthuku
bunene omwabyalho, thukapona ‘abakolha nabi’. Thukatswerabo
kandi sithulyanza ebikababyako. Thukabaha erilhwa omwamakanisa
wethu kandi n’omwabyalho byethu nibya. Eki siryeriyisunza Iya Yesu.

Mwalhangirabo ng’abawithe eriyithagha ng’ebyana ebyengoko kutse
nge mbuli eyathalha eyiri omwa mugthane. Esyongoko sikabya

bamama babuya. Ikabya yithe yathwa, yikalalira amaya wayo erihagho ekihuhania. Engoko eikalisaya emithyeghe yayo kandi yikabundamirayo omwa bipupa byayo. Yesu kwali athya okwa bandu biwe.

Nomughulhu thukakolha ebibi n'erithibitha hali oku Nyamuhanga, akanza erithuminya n'erithutheya ndeke.

Omukwamiriri mukulhu wa Yesu oyukahulhawa mo Paul Omukwenda, mwakania kino okwa lhwanzo lhwa Nyamuhanga omwa Banya Roma 5:8:

Nikwa Nyamuhanga akakangaya olwanzo luwe busana netu, kusangwa omugulu twabya tukine bakola-nabi, Kristo mwatuholera.

Nyamuhanga mwathathulinda eritsuka eribya babuya kundu embere siwe. Mwathathulinda eritsuka eribugha thuthi bolhobolho. Mwatuholera nomwakine indi thwabya bakolha nabi kandi sithwabya thukamulhengekaniako.



Erihanulha

Mughende omwa hithongole hikehike ahya bandu 3 kutse 4. Muhanule okwa bibulyo bino.

- Omughane ono anganathweghesya ki okwa lhwanzo lhwa Yesu? Olhwanzo lhusosire lhuthi?
- Nimughulhu wahi omughulhu ghowa olhwanzo lhwa Nyamuhanga omwabuyingo bwaghu? Ghabanagho n'abandi abali omwakithongole kyaghu.
- Thunanzire abandu abakakolha ebindu bibi haima nebya thukapona?

- Kyikalire eryanza abandu omughulhu sikhulihayokyi?



Erisaba

Mughende omwa bithongole abya bandu 2 kutse 3 erisaba. Obuli mundu asabe ok'obindu bino:

- Sima Nyamuhanga busana n'olhwanzo lhwawe okwiwe.
- Musime uthi anasi ebindu ebibi ebya ughukalengekanaya n'erikolha baithu kandi akinakwanzire.
- Sabira aboosi okwabulirina abo wasi uthi sibanzibirwe kutse bakalhangirawa ng'abatsandirya omwa kyalho kyenye.
- Musingaye kusangwa mwathukolha mo abembaghane.
- Musingaye uthi akwanzire kandi akakutswamana nga thatha.



Omuhondo w'Eribuka

Soma omuhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramu omwamulenge munene murindi minene, abekithongole ibanemusubamo enyuma syaghu.

Netu twabiriminye, kandi twikirirye olwanzo olo Nyamuhanga abiritwanzamo.

Nyamuhanga ni lwanzo, n'oyuli n'olwanzo amatikene na Nyamuhanga, kandi Nyamuhanga amatikene naye.

1 Yoane 4:16



Ekyerireberyako ithwe Erighenderako: Mama Theresa

Ghabana omughane ono na buli mughuma erimuhiramo amaani.

Mama Theresa abya munyadini omwa Katolike oyowathirawa e Albania baitu mwaghunza obuthuku buwe bunene e Calcutta, India akawathikya abetheyithoka. Erimbere abya ikere omwakikaru

ekyabathuliri ab'engulhu baithu mwowa Nyamuhanga akabugha nayo athi asighanaye eby'owene ebyabyayo n'eriyikalha n'erikolha omwabandu abathabya bawithe byalya, obuyitsotse obuthiwene kandi ababya bera kutsibu.

Mukyakalha erimbere. Syabyawithe sente kandi engebe yiwe muyakalha. Mwasonda erisubulha omwikalha liwe omwabathuliri. Aliwe mwathwamo eribyayo n'erihayo engebe yiwe yosi erikolera abeera. Mwikirirya athi wamaminya Kristo kyikakolha engebe yaghu yandeke kandi omwabutswire, kadni athi ukathoka eriathikya abandi bandu kwilhaba.

Mwatsuka amathendekero, emyanya ey'osyongubi, emyanya eyabandu abawithe ebihagha haima n'ekithunga ekyabya kikabya kikawathiakya abakayaholha. Mwalholha embere n'omubiri wiwe okwabera hakuhi erihika ahaholera iniawithe emyaka 87 ey'obukulhu.

Mwahayo engebe yiwe eriathikya abathabya bawithe omughisa ngiyo. Mwakolha athya kundi Yesu abya ikere omwa ngebe yiwe kandi mwamuathikya erikolhako.



Erihanulha

- Omughane owa Mama Theresa anamakuhiramo muhwa? Habwaki omughane oyu amakuhiramo muhwa?
- Ukalengekanaya uthi omwamulingo muke omwakyalo kyagho thwanginabya nga Mama Theresa?
- Thwangakolha eki kyathuthi?



Ekyerikolha eyenga eno

Obuli yenga hane omubiri owethu erighenda n'eriyakolha. Omubiri oyu akendithuwathikya eryanza abandu omwa kyalo kyethu

n'erithukangirirya erithunga amaka ahathwikere.

Eyenga eno ukendi yithagha erisangasangana n'erisaba.

Ukendiyithagha erikania erihiraho obuthuku. Mwamasangasangana habwa esaaha; obo nibuthuku bukaghunza.

Omughulhu mukasangasangana, mughunze obuthuku mukakania ngoko mwangakangania olhwanzo lhwa Nyamuhanga okwabandi bandu omwakyalho kyenyu. Neryo, usabire ebyamwamakania kandi usabe Nyamuhanga erikuwathikya baithu butsira erikukangania ekyerikolha lisa, baith nerikolhakyo nibya.

2: Olhwanzo lhwa Nyamuhanga lhukatsuka Erikolha



Ekilhubirirwa

Erikenge indi olhwanzo lhwa Nyamuhanga lhutholere eriyikangya omwikolha ekindu haima n'abandu omwakyalo kyaghu.



Omulhondo w'Eribuka

Soma omulhondo ow'eribuka omwamulenge munene okwbulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Mwaminyikala omo kiosekanio ky'omundu, Neryo mwayikehya, mwabya akowa, erihika oko luholo, lo luholo w'omusalaba.

Abanya Filipi 2:8



Obwenge bwe Biblia

Omughane owomwa Biblia owali ahikwa aha ahambangene oku Yesu akaholera okwa musalaba. E Biblia ikabugha ithi Yesu mwathukangya olhwanzo lhwawe okwithwe omwithukolera eki. Bulaya obuli mundu omwa kithongole eririba ameso wabo omughulhu ukasoma omughane ukaghanirya uthi eki kyikakolawa busana nagho.

Somera ekithongole ekyisakire kino omwamulenge munene.



Omughane w'eribamba Yesu (Mariko 15:16-39)

Abasirikani bakasekereraya Yesu

¹⁶Neryo abasirikani mobatwala Yesu omo muhana w'ekikali ky'omutabali mukulu, neryo mobabirikira omulondo gosi w'abasirikani. ¹⁷Mobambalya Yesu y'olukimba lw'omunyama, kandi mobaluka embita y'amahwa, mobahirayo oko mutwe wuwe. ¹⁸Mobatsuka erimubukya bati, Ukote, uwe Mwami w'Abayuda! ¹⁹Kandi mobamuswirya ngendo-ngendo oko mutwe omo luseke, mobamutwira kw'amatande, mobamukukamira n'eriunama embere siwe. ²⁰Neryo babere babimusekereraya mobamwambula ekanzu y'Omunyama, mobamwambalya esyongimba siwe. Neryo mobamusondola eriyamubamba oko musalaba.

Eribamba Yesu oko musalaba²¹Nikwa omo nzira mobahamba Simoni akalaba, iniakalua omoli, mobamuhekyia omusalaba wa Yesu, oyo abya Simoni w'eKurene, ise wa Alesanduro na

Rufu. ²²Neryo mobaleta Yesu y'ahakahulawa mo Golgota, kiti: Aherihanga. ²³Neryo mobalenga erimuha ebinyu ibinatulungene n'amane-mane, nikwa Yesu mwagana eripulyabyo. ²⁴Nikwa mobabamba Yesu oko musalaba, kandi mobagaba esyongimba siwe omo katikati kabo, ibakakanga obukanga esyongimba nga sibye syandi.

²⁵Nikwa omugulu babamba Yesu yabya saa isatu. ²⁶N'erihandika ly'erimuhandikirira lyabya lisakire endata oko musalaba liti, omwami w'Abayuda. ²⁷Kandi mobabamba abanyeyi babiri oko misalaba kuguma na Yesu, omuguma oko luhande lw'amali, n'ogundi oko luhande lw'amalembe. [²⁸N'Amasako mwabererera awakabuga ati, Mwaganzwa haguma n'abakola-nabi.] ²⁹Kandi abandu ababya bakalaba mobamutsuma, mobatsinga-tsingya emitwe yabo bati, Si haho! Wamabya ukandisyahimbula eHekalu n'eriswahimbayo omo biro bisatu. ³⁰Uyilamaye, ukime oko musalaba! ³¹Nibya abahereri bakulu haguma n'abakangirirya b'Emigambo mobasekererya Yesu batya omo katikati kabo bati, mwalamya abandi, nikwa sialitoka eriyilamya. ³²Muleke Kristo, Omwami wa Israeli, akime lino alue oko musalaba, tulangire kandi twikiriraye! Kandi ababambawa kuguma naye mobamutsuma.

Oluholo lwa Yesu

³³Neryo esaa ndatu yabere yahika, omwirimya mwabya oko kihugo kyosi erihika oko saa mwenda. ³⁴Neryo oko saa mwenda Yesu mwayilakira n'omulenge munene ati, Eloi, Eloi. Lama Sabaktani? kiti, Nyamuhanga wage, Nyamuhanga wage, busana naki ukanyisiganaya kwehi? ³⁵Abandi bandu ababya bimeneho bakahulikirira, mobabuga bati, Lebaya, akabirikira

Elia! ³⁶Neryo omundu muguma mwatibita musulya embuhuma omo pada, neryo mwahirayo oko luseke; Neryo mwahayo Yesu eripulyayo ati, Tulinde! Tulebaye Elia ng'akandiasa n'erimuhanula! ³⁷Neryo Yesu mwabirikira n'omulenge munene, neryo mwalekula. ³⁸Neryo olukimba olukasukuliraya ol'omo Hekalu molwasatibwa mo bihande bibiri eritsuka endata erihika ahisi. ³⁹Neryo omugulu omukulu w'abasirikani oyo wabya ahangene hakuhi na Yesu, alangira ngoko Yesu abirikira n'erihola, mwabuga ati, Kwenene, omundu oyu alwe Mugala wa Nyamuhanga!

Omughulhu munene abandu b'omwa kyalho kyethu bakabugha ebindu ebyowene erithukangania erisikya omundu. Obundi-n'obundi thwanganabugha ebindu ebitheby'okwenene erithendighalirania omugheni kutse omunyalhughanda. Olhwanzo Ihwa Nyamuhanga silhulibugha ebyewene bias. Olhwanzo Ihwa Nyamuhanga lhukabyamo kandi lhukakolha ebindu habwethu, nerihayo mughalha wiwe busana nethu.

Thwamasoma ekyisakire kino ithwebene thukathendi samalira ahandi omwa Biblia, kikabya nga litsuku. Omukulhu owomwamughane amabirholha. Kyamahwa. Omughane amahwa...baithu sithulisoma amasako aya masa thukaleka ebindi ebyo mughane.

Omwa Yohana 3:16, Yesu akasobolera:

Kusangwa Nyamuhanga mwanza ekihugo ky'atya, kyaleka iniaha Mugala wuwe, Ekyusa kiwe, neryo oyukamwikiriraya siahere, nikwa abye n'engebe y'erikota.

Nyamuhanga iniakalangira athi thuli omwa butsibu bunen, kandi

busana nekyo, mwaligha erithuha mughalha wiwe eribya hongo
busana n’ebibi byethu. Mwathuholera. Mwaheka ekifuyiro kyethu
habwa bibi byethu omomwanya wethu.

Thukayisunza eribya thuthya. Omughulhu thukaminyo ohlwanzo
lhwa Nyamuhanga nikyobuhangwa kandi kihikire busana nethu
erikangania olhwanzo lhwa Nyamuhanga omwamikolere. Eki
kyikamanyisaya eriathikya abandu n’eribanza omwikolha. Eribya
mukristayo kyikakuhindulya omwakathi kandi eki kitholere
ekyayikangania omo byathukabugha n’erikolha.

Eribya mukristayo siryerighenda omwakanisa lisa. Erithwalira
haghuma, enyumba eyathukayamo ni nyumba. Ekanisa eyokwenene
lyeri sangasangana nabandu ba Nyamuhanga nekyo bakakolha
haghuma.

Olhwanzo lhwa Nyamuhanga nilhunene nilhunene kwilaba
olhughanikyo; nikindu ekyangathulethera embaghane.
Kyikamanyisaya indi thutholere ithwanza abathawithe oyukanzabo,
kyikamanyisaya indi thutholere ithwakolera n’eriathikya obomo
bulambo bwethu. Sithuwithe ekyerikolha omwekyi. Eki kyekyo
Mukristo akakolha.

Thunayithekathekire eribya mughuma okwa bandu abo
Nyamuhanga anginakolhesya erikangania olhwanzo lhwawe



Omulhondo w’Eribuka

Soma omulhondo ow’eribuka omwamulenge munene
okwabulimundu omwa kithongole. Neryo bawathikaye erighagho
omwisubiriramugho omwamulenge munene murindi minene,
abekithongole ibanemusubamo enyuma syaghu.

Mwaminyikala omo kisošekanio ky'omundu, Neryo mwayikehya, mwabya akowa, erihika oko luholo, lo luholo w'omusalaba.

Abanya Filipi 2:8



Erihanulha

Mughende omwa hithongole hikehike ehya bandu 3 kutse 4. Muhanule okwa bibulyo bino.

- Yesu 'mwayikehya'. Eki kyikamanyisayaki okwithwe?
- Nibindu byahayi ebya Yesu akolha? Abandu mubanamwanza habwabyo? (Wamabya isiwasi ndeke ebya Yesu akolha, samalira omwa bitabu ebye Biblia bino Matayo, Mariko, Luka na Yohana).



Ekyerireberyako ithwe Erighenderako: Maximillian Kolbe

Ghabana omughane ono okwabulimundu eribakakamirirya.

Maximillian Kolbe abya bohirwe ng'omunyangomo na Bagirimani omwa mughulhu wolhuhe olhwekihugho kyosi olhwakabiri. Omwakwenzi okomusangu 1941, omulhume erilhwa omwa barakisi ya Kolbe mwabulirana. Eryanza eriminyerera ndeke erilengesya eritswa...owakabiri okwabakulhu mwathwamo erimya abalhume 10 erilhwa omwa barakisi eribaleka buthalya erihika okwiholha omwa "Buloka 13", eyabya yasibwe habweribonabonesya. Omulume mughuma owokwabasombolawa...mwalaka, "Mukali wayi! Abaana baghe!" Kolbe mwayihayo erimya omwanya wiwe. Omomwanya weribiyamo buthalya, mwabya akakulya omubiri w'obuKristayo obulikiro omwamughulhu abya inanginathoka kandi mwabya akaha abanyangomo bekihulhu ky'omukama bubisobiso; omugati owabya akahabwa abanyangomo syabya akabyamo kihamy neryo inanginakolesibwa okwakihulho kyonukama; nabalhambi abakwe

b’obulighe ibakamuha ebyerikolesya, imune a vinyo eyangakolesya.

Mwathwalha abandi balhume abatswerawa omwa lhwimbo n’erisaba. Enyuma wa mayenga asathu aw’erihwamo amaghetse nerithendihabwa akalyo, iya Kolbe haima nabandi basathu bababya basighere ibakineho. Inakakamiriraya abandi omwibabwira athi omwabuthuku obuthe bwahali bakendibya...e Lhubulha. Omughulhu ghozi abalindi bahika erisyamulebyako; abya akabya inianimene kutse erikukama ahakathikathi akengomo iniakasamalira ababya bakingira. Omughulhu Kolbe abya eyuwamasakaho, mwithibwa omwangingzo eye carbolic acidi. Abandi ababyaho akatherwa bakabugha ambu mwasumba okuboko kwiwe okwamalembe neryo mwalindirira enginzo.¹

Neryo omulhume oyowabulirana mwasanganibwa enyuma waho inabirithoghera omwa kyolani ekye kambu.



Erihanulha

Mughende omwa hithongole hikehike ahya bandu 3 kutse 4. Muhanule okwa bibulyo bino.

- Iya Maximillian mwakangya olhwanzo Ihwa Nyamuhanga lhwathi?
- Ukalengekanaya uthi omunyamuliki oyo walhamibawa mwalengekania ki?
- Ekikathukakiraraya okwanza abandi bandu nikyahi? Thwangingaghana eriholhera omundu, baithu obundi n’obundi thukayithagha erihayo obuthuku kutse erikolera omundu eribawathikya. Ekyeririberyako, wanginawathikya

¹ Oyuthasibwe (22 okwakani 2020), *Maximilian Kolbe* [OKWAMBEHO] Bikasangawa okwa: https://en.wikipedia.org/wiki/Maximilian_Kolbe [Byabanawa 28 Okwakani 2020]

omundu yo mwirima.



Erisaba

Omusabe owobukuthu iwowene

Kakamiriraya abandu erikalha bukuthu habwa dakika 5 omwamughulhu weriyisubamo. Basabe eribugha ambu bolhobolho busana n'erithendihithya lyabo. Neryo saba Yesu konguthwangakangania olhwanzo lhwabandi. Ewabyamwotho omwisaba.

Erisabirana omwa babiribabiri

Hira abandu mo babiribabiri n'erisababo uthi basabirane bathi bangathoka eriha engebe yabo okwabandi. Usabe ekyo ukayisunza kyonyinenyine. Omundu amanza eriathikya, sondaya akalyo busana n'abera, sabira ekyo. Omundu amanza eriathikya, kanganaya olhukogho lhwanyamuhanga, sabira ekyo. Omundu amabya isyasi ekyerisabira, asabe Omulimu Abuyirire erimukangirirya.



Omulhondo w'Eribuka

Soma omulhondo ow'eribuka omwamulenge munene okwabalimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Mwaminyikala omo kiosekanio ky'omundu, Neryo mwayikehya, mwabya akowa, erihika oko luholo, lo luholo w'omusalaba.

Abanya Filipi 2:8



Ekyerikolha eyenga eno

Kanaya ngamukendisyasangasangana mughulhu wahi eyenga eno erisaba n'erikania. Mukendiyithagha erisangasangana habwa saha nguma.

Omughulhu mukasangasangana mutholere erikolha endondekania eyobuli mundu omwakyalho aba:

- Theghenda okwa kanisa
- Abera kutsibu omwakyalo kyenyu. Abandu abo babye inibandu bera kutsibu.

Enyuma w'erikolha endondekania eyo, musabire obulimundu okwalina. Saba uthi Nyamuhanga abawathikaye kandi abasubemo. Saba uthi Nyamuhanga akendikukolesya erikolha ekyi.

3: Uli Mwana wa Nyamuhanga



Ekilhubirirwa

Ekilhubirirwa ebye ky'erigha kino lyeri thuwathikya ithweboosi erikenga indi thuli baana ba Nyamuhanga. Ngkuthukanabya omwihika, eribya mwana wa Nyamuhanga binawithe omubongo baith kandi nebyerikolha. Omwaky'erigha kino thukendighakubyo.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa abosi abamukokaya, n'erimwikirirya, mwahabo ehamuli eribya bana ba Nyamuhanga. Nikwa mobatabutwa mo bana ba Nyamuhanga omo nzira y'omubiri, kutse omw'isonda ly'omubiri, kutse omw'isonda ly'abandu, nikwa Nyamuhanga yo wabutabo.

Yoane 1:12-13



Erihanulha

Mughende omwa hithongole hikehike ahya bandu 3 kutse 4. Muhanule okwa bibulyo bino.

- Mukanaye okwa kandi mukole endondekania eyebindu ebyoosi ebya thatha kutse iya mama akakolera abaana babo.
- Ukanikiriraya uthi Nyamuhanga akanakola ebindu ebi bya baana biwe? Akakola ekyi kyathi?
- Enyuma w'obuthuku buke, kakamiriraya erisubamo erilhwa omwa hithongole ehyosi okwabuli mundu woosi. Obu bukendibya buthuku byerikakamirirya.



Obwenge bwe Biblia

Somera omughane owomwa Biblia ono we kithongole omwamulenge munene.



Eribyaho omwa Mulimu (Abanya Galatiya 5:16-26)

¹⁶Nikwa ngabuga nyiti, Mulendere omo mibere y'Omulumu, simwendisyaberererya esyongumbu sy'omubiri. ¹⁷Kusangwa esyongumbu sy'omubiri sikalwa n'Omulumu, n'Omulumu akalwa n'omubiri; kusangwa hali obuyigu omo katikati kabo, sulitoka erikola ebyo wanzire. ¹⁸Nikwa mwamasondolibwa n'Omulumu, suli oko hamuli y'Emigambo.

¹⁹Neryo erikola ly'omubiri liminyikere ndeke, lyeri: risingira,

obukine, amaragane, ²⁰erisaba esyosanamu, erilagula, obuyigu, erilwa, obuha, erihitana, erinegena, erikangirirya ly'amabehi, ²¹eritsura, erikunda, eritamira, n'emyatsi yosi eyiri ng'eyi. Ngababwira ndeke kandi nyiti, abakakola ebiri ng'ebi sibendisyabana omwanya omo Bwami bwa Nyamuhanga.

²²Nikwa emikolere eyikalua oko Mulimu yeyi: olwanzo, obutseme, Obuholo, eriyibombeka, obwenge, obubuya, eritendiregula, ²³omutima molo, n'eriyiteya. Sihali omugambo owakalwa n'emyatsi eyi. ²⁴Neryo abali uku Kristo Yesu babiribamba oko musalaba emyatsi yosi y'omubiri, haguma n'esyongumbu n'erisonda lyago. ²⁵Omulimu amaleka itwabyaho, tuleke Omulimu oyo atusondole. ²⁶Situyitendere buyira, kutse erisondana kw'omwaga, n'eritsurana.

Ekyisakire kino kyahandikawa no Omukwenda Paulo, okwa kanisa eya bakristayo abo bwami obukahulhawamo Galatia. AbaKristayo babya bakalengesya erikalha omwanzira eyowene; ng'abaana ba Nyamuhanga. Omukwenda Paulo anza eri wathikyabo erikalha omwanzira eyowene, neryo mwahabo erihano.

Mwabugha athi hali esyonzira ibiri esyerikalhamo. Eyokubanza lyeriyitswamana iwowene, erisamalira eriyithagha lyaghu nebyoukayisunza, ebikaletha ebisibya haima n'ebibi ebyosi omwangebe yaghu. Eri siryerikalha ng'omwana wa Nyamuhanga.

Eyindi nzira ly'erikalha haima no Mulimu – erihayo engebe yaghu eye bibi n'erikalha ng'omwana wa Nyamuhanga. Erithuwathikya eki ngakisisire kithi, Paulo akathondekanaya ebughuma 9 ebyo Mulimu. Ngo muti kwakahulhukaya ebighuma omwakirimo, lithya Omukwenda Paulo mwalengekania athi abandu abakolha bathya nibya.

Omwaana wa Nyamuhanga yo mundu oyowasibwe na Nyamuhanga
kandi awithe 'ebighuma' ebi omwangebe yiwe. Omundu oyuthe
mwana wa Nyamuhanga syawithe ebughuma ebi omwangebe yiwe.
Wangina thulagho omundu anganabya Mukristayo
omwabyabakakolha, kabutsira ebyabakabugha. Nerighenda okwa
kanisa obuli yenga sikyerikanganaya indi uli mwana wa
Nyamuhanga.

Hane eky'embaghane okwabughuma ebya Nyamuhanga akanza athi
thulasaye omwa syongebe sya baana biwe. Ebighuma ebyoosi
biwithe ekyabikakolha okwa bandi bandu. Leka thulengekanaye
okwabyerireberyako bibir bino.

1) Eriyolhobeka

Kyikalire erilhobeka obuyingo bwethu. Thwanganayilhobeka okwa
bandi bandu. Eki kyikamanyisaya kyithi abandu abomwakyalho
kyethu kutse abandu abo mwamuyi wethu. Obuthuku bunene
kyikahika okwabandi bandu.

2) Obughenge

Obwenge bobughenge siryeribya mughenge okwabuyingo bwawu.
Eyihi! Leribya mughenge okwabandi bandu, eriathikyabo, eribaha
n'eribakolera.

Erithendi kalha ng'omwana wa Nyamuhanga leribya n'obuha,
eriyifaku kandi neryanza erikanya engebe yaghu kwilaba abandi.
Eribya mwaana wa Nyamuhanga lyeribya ngokuwuthe, erikalhya
engebe yaghu busana n'abandi.

Obuli mwaana wa Nyamuhanga syalibana obulikindo ndeke,
thukendisyakolha ekyo elhubulha, baithu enzira eyengebe yethu
itholere ibya ikalholha ngoku Nyamuhanga anzire ithwabya.

Ekindi ekyerirebyeryako ekye Biblia ikakolesaya kye kyakakalha n’omwirima. Abaana ba Nyamuhanga batholere eribya bandu be - kyakakalha. Omughulhu omukera syalikoleraya, omusithu anginabya m’omwirimya munene. Olhukoleryo kutse atadoba yanginalhangirwa iyikine Ihughendo Ihuli. Ekyakakalha kyanginakolerya ekisenge kandi n’omwirimya inaghenda.

Ekyo kye abaana ba Nyamuhanga, kutse ngo kwe Biblia ikathwahulha, “ekyakakalha ekye kihugho” batholere ibasosana.

Somera ekithongole kya Matayo 5:14-15 omwamulenge munene. Emilhondo eno yikathwubwira ithi thubye bandu be kyakakalha omwa kyalo kyethu.

¹⁴Inywe muli kyakakala ky’ekihugo. Omuyi owahimbire oko kitwa sialitoka eribisama. ¹⁵Sihali mundu oyukakaya etala n’erihirayo omwisi w’ekitiri; nikwa akahirayo oko mbaniko, neryo iyakolerya abosi abali omo nyumba. ¹⁶Muleke ekyakakala kyenyu kikolera kitya embere sy’abandu, balangire emibiri yenyu mibuya, bapipe Tata wenyu oyuli elubula.



Erihanulha

Mughende omwa hithongole hikehike ehya bandu 3 kutse 4. Mukanaye okwa bino.

Mukanaye okwabuli kighuma ekyo Mulimu kandi mukole endondekania obuli kighuma kyangakanganibwa omwa syangebe syethu kandi omwa kyalo kyethu.

Ebighuma ebyo Mulimu byabino: olhwanzo, obutseme, obuholho, erighumisirinzya, eriyibombeka, obubuya, eritendireghulha, eribyamolho haima n’eriyitheya.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa abosi abamukokaya, n'erimwikirirya, mwahabo ehamuli eribya bana ba Nyamuhanga. Nikwa mobatabutwa mo bana ba Nyamuhanga omo nzira y'omubiri, kutse omw'isonda ly'omubiri, kutse omw'isonda ly'abandu, nikwa Nyamuhanga yo wabutabo.

Yoane 1:12-13



Ekyerireberyako ithwe Erighenderako: Omwami n'Omughole Abakayibombeka

Ghabana omughane ono na bulimundu eribakakamirirya.

Ono nimughane owo mulhume eyaneghaya e Scotland, oyowabya akikala omwa mwirimya neryo mwasa erisikalha omwa kyakakalha. Namahindulha erinaliwe eribika eriminyikalha liwe.

Luka abya mulhume oyowabya kulire omwihika eryabya akakanganibwa lhwanzo luke. Ngoku mama na thatha wiwe baghana erimukangania lhwanzo lhunene, eki mukyamulethera eriyowa nabi kutsibu busana n'erithendyanzibwa omwa ngebe yiwe. Omughulhu akulha, mwarondekania emibere eyerighunzaho omwanya oyu owolhwanzo.

Mwanywa ebikathamiraya erilengesya eribya ndeke. Omwabuthuku buke, mwabya mukundirya ow'ebbangi. Muyathwalha engebe yiwe. Mwabya mundirya kandi mwathathoka erileka erikolesya ebbangi. Muyamukolha ndeke. Ekitsibu kyabya indi erthuha ebbangi, mwatsuka eriba abaandu. Neryo inakaghulhaya ebindu ebyaliba

eribana esyosente erighulha ebbangi eyabya inabiribya mukundirya wayo.

Enyuma w'omulhu muke, epolisi muyamuhamba ekiba neryo mwabya akaya n'erilhwa omwa muliki.

Angakolireki hathya? Syabyawithe mubiri kandi isyawithe maaha.

OmuKristayo mukulhu haima n'omughole wuwe mubamukangania omulingo w'embaghane w'erikaliramo. Mubamukangania olhwanzo lhwa Yesu. Mubathamubwira oko'lhwanzo lhwa Yesu lisa baithu mubamukangyalho omwa mikolere.

Mubathwalha omulhwana ono ekawabo, mubamulhabirira kandi mubamusabira. Mwalhangira athi olhwanzo lhwa Yesu lhwanginaletha ekye mbaghane. Mwaleka erikolesya ebikathamiraya neryo mwathwamo erikalha engebe busana na Yesu. Ono yo mulhwana oyo ngebe yiwe yabirihindulhwa eyoosi na Yesu.

Mukyathokekana na baKristayo abikalha nga baana ba Nyamuhanga kandi mwamukanga olhwanzo olho Nyamuhanga awithire abaana biwe.



Erisaba

Muthwikemo babiribabiri neryo mughabane n'ogundi 'ekighuma ky'Omulimu' ebyathukalhwa nabyo kustibu. Basabe ekyolho kubyo omongebe nikyahi?

Omwababiribabiri, musabe muthi ekighume ekyolho kibane eribya ekya maaka omwa ngebe syethu.



Omulhondo w'Eribuka

Soma omulhondo ow'eribuka omwamulenge munene

okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa abosi abamukokaya, n'erimwikirirya, mwahabo ehamuli eribya bana ba Nyamuhanga. Nikwa mobatabutwa mo bana ba Nyamuhanga omo nzira y'omubiri, kutse omw'isonda ly'omubiri, kutse omw'isonda ly'abandu, nikwa Nyamuhanga yo wabutabo.

Yoane 1:12-13



Ekyerikolha eyenga eno

Thwalha endondekania eyabandu baghu eyawakolha eyenga eyilhabire. Kolha obthuku eyenga eno omughulhu akathongole kaghu akake kanginaghenda eribungira nikiniki abokwibo bamabya isibaboosi. Hano hane ebyawangakolha omughulhu mukabungirabo:

- Habwaki simulihabana okwabyowigha omwakyerigha 2 ebihambangene oku Yesu eriholha busana nethu?
- Mwanginathwalha ekisembo kyike eribawathikya
- Hamabya omubiri muke owerikolha owomwangamuwathikya nagho, mwanginakolhagho.
- Mwaginasabirabo muthali mwalhwayo.

Omughulhu mukababungira, babulhaye emiringo eyabangayithaghiramo obuwathikya neryo bihandike. Ulenge uthi iswathathalya ebyo wamahandika.

4: Muheyo ng'eKanisani eye Makedoniya



Ekilhubirirwa

Erigha ekya Bablia ikabugha okwihayo esyosente kandi n'erithunga eribanza eribya mughenge kutsibu okwa syosente syethu n'ebiyathuwithe.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramu omwamulenge munene murindi minene, abekithongole ibanemusubamo enyuma syaghu.

*Simuyibikire bindu muna-kihugo, aho ehinyurugunzu
n'amakenge bikaheraya, kandi aho abarahi bakatula
n'eriiba. Nikwa muyibikire ebindu elubula, aho ehinyurugunzu
n'amakenge biteheraya, kandi aho abarahi sibetula
n'eriiba. Kusangwa ahali ebindu byawe, ho mutima wawe
asyabya nibya.*

Matayo 6:19-21



Obwenge bwe Biblia

Somera ekithongole ekyisakire kino omwamulenge munene.



Ekyerirebyerako Erihayo Iy'Omukwakali (Mariko 12:41-44)

⁴¹Yesu mwikala hakuhi n'ekibo ky'eribika esyofranka omo
Hekalu, neryo mwabya akalebya ngoko endeko yabya ikahira
esyofranka syabo omo kibo ekyo. Kandi abandu b'ebindu bingi
mobahiramo esyofranka nyingi. ⁴²Neryo omukwakali mwera
mwahika kukyo mwahira esyosenti ibiri, ini sengi nguma.

⁴³Neryo Yesu mwabirikira abiga buwe haguma, mwabwirabo
ati, Kwenene ngababwira nyiti, Omukwakali oyu amahira omo
kibo mo bingi kwilaba abandi bosi. ⁴⁴Kusangwa abandi bosi
mobakahiramo busana n'ebindu byabo bingi, nikwa iye omo
bwera buwe mwakahiramo ebyosi awite, mwakaha ebyosi alwe
awite ebyo angalire.

Yesu abya akasamalira esyosente esyababya bakahira omwakibo.
Mwalangira abandu ab'ebindu bakahiramo sente sinene sinene
baith abya sibabya asimire. Aliwe, mwasobolera abigha biwe athi
ekihongwa ekyo mukwakali kyabya ky'owene kutsibu.

Obundi buthuku omwa Africa thukahayo eriyihambulya thu thuli
beera neryo sithulihayo. **Eribya mwera si kyangaleka thukaghana**

erihayo. Nyamuhanga anathwasi ngoko thuwithe bike baithu kandi anzire ithwahayo. Abirithulhaghanisya athi syendisathulekerania neryo athi sithubahe. Umwikiriraye kandi umusabe ekyo anzire athi uheyo. Neryo ubye waka, ughende omwikirirya neryo unahayo kokwamakulhayira. Omukwakali syabya w'ebindu neryo ibwa mwahayo ebyawitheko.



Ekyerilhangirirako ekye kanisa eye Makedonia (2 Abanya Korinto 8:1-7)

¹Balikiyetu, twanzire eribaminyisya ebyo ilukogo lwa Nyamuhanga lwabirikola omo syokanisa sy'eMakedonia. ²Babirirengwako kutsibu busana n'amalige balolako. Nikwa obutseme bwabo bunene mobwaleka ibahira omo kibo mo bingi, nomo banabya bera kutsibu. ³Kusangwa ngababwira kwenene, mobahitya ebyosi ko bangatoka, na kwilaba aho. Kandi mobahitya n'omutima w'olwanzo, ⁴ibakatuhatikana n'eritulembalemba, bati babane omwanya w'erisangana omo mubiri w'eriwatikya abandu ba Nyamuhanga. ⁵Mobakola kwilaba obulengekania bwetu, kusangwa mobatsuka eriyiha uku Nyamuhanga, n'enyuma w'aho mobayiha ukw'itwe n'erisona lya Nyamuhanga. ⁶Kyaleka itwahatikana Tito, oyo watsuka omubiri oyo, tuti, abuge omubiri mubuya oyo omo katikati kenyu. ⁷Inywe mukakanyirira omo myatsi yosi, omw'ikirirya, n'omw'ibuga ekinywa, kandi Omw'iminya, n'omo muhwa munene, n'omo lwanzo lwenyu busana netu. Neryo kandi mukanyirire omo mubiri mubuya w'erihitya.

Oyowabya akakwama Yesu omukulhu oyukahulhawamo Omukwenda Paulo mwatsuka ekanisa e Makedoniya. Yabya kanisa eyabyamo abera. Babya ibabirthunga ebiritho binene kandi isibawithe sente sinene kuste bindu binene.

Nomwakine kithya, babya baghenge. Babya baghenge kwilhaba abandi bandu kwababyabakalengekania. Mubathahayo ebyabasakaya bisa. Mubathahayo ebyababya batholere erihithya lisa. Mubahayo kwilaba ngokwababya bawithe. Mubasimwa kusangwa mubahayo kwilaba.

Syabya mundu mughuma musa erihayo; babya bandu boosi hauma ab'ekithongole erihayo.

Obthuku bunene, kyikakalha erikolha ekindo okwalhwaghu, baithu ithweboosi haghuma thwanganakolha bindu ebikalire. Mbweni wanginalengekania uthi 'kyikaghasaki ingye erihayo inanginaha kindu kyike.' Ekyike ekyo kyisa kyangina hindulha ebindu ikyokyene baithu mwamahira ebisembo byahaghuma n'ebyangandi, ekyike ekyo bikabya binene.



Erihanulha

Mughende omwa hithongole hikehike ehya bandu 3 kutse 4. Muhanule okwa bibulyo bino.

- Nyamuhanga akanaminywa thwamabya ithwangathoka erihayo kisémbó kyike? Kynawithe mughaso?
- Omwilengesya kustibu haima n'obunaku, ekanisa eye Makedoniya muyahayo busana neriyithagha ky'abandi. Ekyi nikyerilangirirako ekyowene busana nethu. Thukabana bitsibu byahi ebikaleka ethwakerererwa erihayo?
- Abe kanisa eye Makedoniya mubanakerererwa erihayo?
- Erihayo mulyongera erinuba ly'ekanisa eye Makedoniya?



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho

omwisubiriramugho omwamulenge munene murindi minene,
abekithongole ibanemusubamo enyuma syaghu.

*Simuyibikire bindu muna-kihugo, aho ehinyurugunzu
n'amakenge bikaheraya, kandi aho abarahi bakatula
n'eriiba. Nikwa muyibikire ebindu elubula, aho ehinyurugunzu
n'amakenge biteheraya, kandi aho abarahi sibetula
n'eriiba. Kusangwa ahali ebindu byawe, ho mutima wawe
asyabya nibya.*

Matayo 6:19-21



Ekyerireberyako ithwe Erighenderako: Erihayo busana n'Ekiriro
Ghabana omughane ono na buli mughuma erimuhiramo amaani.

Omwa kitswaka ekye Luapula e Zambia, yiri a kithongole ekya
bakristayo abakasangasangana omwakitsweka murundi mughuma
obuliyenga. Bkalhwa omwa bisomo n'ebyobuhangwa
muthinamuthina. Nibanya kyalo.

Kiro kighuma mubasangana omufuyi w'ebasi iniamabiholha
omwakyalo kyabu omughulhu sibalhwe eka. Alhwa e Lusaka omuyi
mukulhu, owabya nga 1000km. Sihabya muyi n'omughuma
owangatswamana omubiri n'eritakininzya eby'omubalha, neryo
ekithongole muthwemo erimana n'eriwathikya.

Abandi b'okubo mwasondya omuyi eherikolhera omubalha.
Mubahayo n'esyosente erilhwa omwakithongole eriwathikya
erikolha emibiri ey'omubalha. Ebyosi ebi babya bakabikolha busana
n'oyobathasi.

Ekithongole kyabiriwathikya omwamibalha yabandi bandu
omwakitsweka, n'abathabya bakaghenda omwakanisa.
Abanyakithongole nibaKristayo ababulikiro kandi sibawithe sente

sinene. Mubalhangira eriyithagha neryo mubathwamo haghuma bathi banginawathikya.

Samalira ebikuthimbireko. Ukendilhangira ebiyithawa binene. Nyamuhanga akakubirikira athi ukole kyi? Kwenene, wanginabya iniwe akaronda athi ughunzeho eriyithagha. Sighulindirire ghundi mundu eryasa. Nyamuhanga angina kukolesya!



Erihanulha

Mughende omwa hithongole hikehike ehya bandu 3 kutse 4. Muhanule okwa bibulho bino.

- Eriengekania lyethu ery'abulikiro likathwibwura lithi wamahithya ekindu kyosikyosi, kyikendikubulhako. Eriengekania lyethu kandi akabugha athi thukatsema kutsibu thwamabya n'esyosente haima n'ebindu binene. Ninakwene kutse nimabehi kandi eBiblia yikabugha yithikiyi?
- Unaliwathathunga ekisembo ekye Bitsange, ebyalya kutse esyosente omughulhu ukakiyithagha kutsibu? Ghabana haima nabandi omwakithongole ekyabya kyabere. Wamabya ukanakiriraya kandi wanabirilhanigira uthi Nyamuhanga akaha, kyinaleka iwanguhirwa eriha abandi?
- Ukalengekanaya uthi wanginaha ekithongole kyaki?



Erisaba

Omusabe owobukuthu iwowene

Bwira obulumundu erikalha bukuthu nerisaba Nyamuhanga eribaghanyira habomughulhu balhwe isibalihayo. Basabe eribulya Nyamuhanga bathi nganzirebo erihithya kyi n'eriwathikyabo eriyikethera bathi Nyamuhanga akendihabo eriyithagha lyabo.

Musabe omwamulenge munene ng'ekithongole kyosi

- Mubulaye Nyamuhanga nganzire imwaha kyi ng'ekithongole.
- Musabe muthi Nyamuhanga atsuke eribaha inywe ng'ekithongole nikwa mwangawathikya abandi.
- Musime Nyamuhanga muthi athuhe ebiyithagho byethu ithwe baana biwe



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

*Simuyibikire bindu muna-kihugo, aho ehinyurugunzu
n'amakenge bikaheraya, kandi aho abarahi bakatula
n'eriiba. Nikwa muyibikire ebindu elubula, aho ehinyurugunzu
n'amakenge biteheraya, kandi aho abarahi sibetula
n'eriiba. Kusangwa ahali ebindu byawe, ho mutima wawe
asyabya nibya.*

Matayo 6:19-21



Ekyerikolha eyenga eno

Mutholere imwuthwamu inyweboosi haghuma eriha abandi bandu abera kwilabanywe. Omughulhu mukasangansangana mwanginathwamu erikolha bino:

- Erithwalha erisorokya ery'esyasente, ebyalya kutse ekindi kindu okwabo abali bera kwilabanywe omwakyalho kyenyu. Wanginathoka erihayo sike, baithu nibinene kwilha ng'okwalhwe bawithe. Nikyomubongo indi mukole erithwamo haghuma ng'ekithongole. Ebindu

ebyamwangaho sy'esyongimba, esighu kutse ekyosikyosi ekyawanginabana.

- Bana obuthuku eyenga eno neryo wase n'ebirengekanio ebyo mubiiri ebye kithongole kyaghu kyanginakola omwa kyalhu kyaghu. Inyweboosi haghuma mwanginathwamo erikolha ekindu kyosikyosi omwa kyalho kyenyu. Kyanginabya eriwathikya esyongubi kutse erihera eririma eryebyalya eby'erihuthya.

Obundi omughulhu wasaba omo yenga, Nyamuhanga mwakukangya ekindu eky'ekithongole kyanginakolha. Ekithongole kyaghu kinasi ebisibu n'eriyithagha erye kyikaru kyaghu. Nyamuhanga akanza eriretha erihindulhwa kabutsira omwangebe y'omundu mughum, baithu omwangebe eyabakuthimbireko. Abirisombolha erikolesya iyawe ng'ebyalha haima n'ebisando biwe omwa byalho n'emyanya eyathwikeremo.

5: Emibiri ya Nyamuhanga Omwa Kyalo Kyeghu



Ekilhubirirwa

Ekyerigha kino kyikendithuwathikya eriminye ngok'olhwanzo lhwa Nyamuhanga lhukendikolha omwakyalo kyaghu kandi omubiri owawutholere erikolha omweki. Thukendigha thuthi Nyamuhanga syendikolha kyithikothiko kyosikyosi ithwe thutheho,

akendikolhakyo erilha omwithwe.



Omuhondo w'Eribuka

Soma omuhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Neryo abikiriraya bosi mobabya haguma, mobasangira ebindu byosi byo haguma. Kandi mobagulya esyombibi syabo n'ebindu byabo, ibakasangira ebindu byosi ebyo n'abandi bosi, ng'obwaga b'obuli muntu.

Emibiri 2:44-45



Obwenge bwe Biblia

Ekitabu ekye Emibiri Ya Bakwenda kyahandikawa erisobolera ekanisa yerimbere kuyakulha erilhwa okwa bakwenda ba Yesu, ng'oko ekanisa haima n'Engulhu ya Yesu Kristo neryo muyahika omwa muyi we Roma, owabya muyi mukulhu okwa mughulhu oyo. Ekihandire ekiri hano kyikasobolera ekanisa y'erimbere ngoko yabya yisosire.

Somera ekihandire kino erilhwa omwa Biblia ye'ekithongole omwamulenge munene.



Erihindana erya bikirirya (Emibiri ya Bakwenda 2:42-47)

⁴²Neryo mobasiba bakiga erikangirirya ly'abakwenda n'eribya buguma nabo. Kandi babya bakahika oko mesa y'omukama n'okw'isaba. ⁴³Neryo abakwenda mobakola eby'eriswekera n'ebitiko-tiko bingi, nikwa obuli muntu mwabya n'obuba. ⁴⁴Neryo abikiriraya bosi mobabya haguma, mobasangira ebindu byosi byo haguma. ⁴⁵Kandi mobagulya esyombibi syabo n'ebindu byabo, ibakasangira ebindu byosi

ebyo n’abandi bosi, ng’obwaga b’obuli muntu. ⁴⁶Kandi obuli kiro mobasiba bakahindana omo Hekalu n’omutima muguma. Neryo mobahika oko mesa y’omukama omo buli nyumba, ibakalira ebyalya byabo haguma-guma, n’obutseme n’omutima w’eriyikehya. ⁴⁷Babya bakapipa Nyamuhanga n’erisimwa n’abandu bosi. Kandi Omukama mwatomekera eko ndeko yabo obuli kiro abalamibawa.

Endeko y’ekithongole eyamunabwire yinginigha binene erilhwa okwa kanisa eyerimbere omwa Yerusalemu koyabya ikikalha engebe ye kyikristayo. Sibabya bakaghenda omwakanisa lisa. Abandu banene sibalikenda ebihambangene okwa kanisa. Bakikiriraya bathi:

- Enyumba ya kanisa
- Enyikirirya ye kanisa
- Abandu abali omwa kanisa bwino by’ebindu kutse bakakwama abimaniri.

Ebyosi ebyerikirirya ebi sibihikire. Ekinywe “Kanisa” omwa Biblia, kyikamanyisaya ‘abandu abikere haghuma’. Sikiwithe kindu kyosi kyosi okwa nyumba, erikwama omuhereri kutse eribya omwanyikirirya. Ekanisa yitholere eyabya ekithongole ky’abandu abakasangasangana n’eribya haghuma.

Ekinene kutsibu, ebandu sibabya bakakania okwikirirya lyabo, ibakakolha erikirirya lyabo omwamikolere omwamyanya eyabikeremo.

Neryo samalire ebya ekanisa yabya ikakolha obulkiro.

Ibakayihayo erikangirirya n’erisaba. Eki kiri ng’Ekithongole ky’Engebe kutse erisangasangana erye kanisa.

Nomwakine kithya, ekyo kyababya bakakolha kisa? Ibaigha eBiblia, erisaba haima n'eriramy lisa?

Ekyi! Sikyekyo! Leka thusamilire eyindi milhondo.

Omuhondo owa 43 akabugha athi ebindu binene ebyeritsekya n'erilhangira mubyakolhwa n'abakwenda. Eriryanginabya eryabya erilhamya kutse erilhusibwako emirimu. Abandu mubawathikibwa busana n'ebyerilhangira ebya Nyamuhanga ebyakolhawa erilhaba omwa kanisa yiwe. N'ebisembo 'eby'omulimu' haima n'ebithikothiko bikawathikaya abandi bandu.

Omuhondo owa 44 akathwibwira athi sibabya bawithe bithongole muthinamuthina, 'ebyoosi babya bawithirebyo haghuma'.

Omughulhu munene omwabyalo byethu abandu abo mwakanisa nguma bakabya omwabuhaka kutse erithendiathikya abandu abakalhwa omwayindi kanisa. Bandu bamathendibya baKristayo, obuthuku bunene sibaliwathikibawa. Ekyi kiywire.

Omwamuhondo owa 45, akathwibwira ngoko abikirirya babya baghenge n'erihayo okwabulimundu oyowabya n'obwagha. Omundu anabya amabya n'obwagha, isibalighana erimutswamana; ibakarondoya emibere ey'erimuathikya. Kyamayithaghisibwa, ibakaghulhaya ekindu kyabu nikwa ibathoka eriathikya oghundi mundu. Akabugha athi "ibakahayo okwabulimundu oyuwithe obwagha".

Oghundi mugulhu, abakristayo bakakolha ng'aba Kristayo Kyasandi. Thukakolha ebindu ebye kanisa neryo ithwakolha ebyathwanzire okwamughulhu owundi we yenga. Ekyi kiwire, thutholere ithwabya bakristayo omughulhu woosi, nomwathyanga thukakolha kinduki. Abandu abomwakanisa ey'erimbere sibabya bakasangasangana

omwakanisa Kyasande kisa, ibakanasangasanga na eyihya kandi n'omwamiyi yabandu. Ekyi kyakikathwibwirawa omwamulhondo owa 46.

Wangina theberenzya ebyalhwa omwa bakirstayo abe kanisa eyeriswekye eyi?

Omulhondo owa 47 akathwubwira athi mubayowira omwighanyira ly'obuli muntu ekyamanyisaya indi banzibirwe kandi basikibirwe na bulimundu. Thukasoma indi Nyamuhanga mw'ongera okwamuhendo wababya bakabya ba Kristayo. Eki kyabya kundi abandu ibakalhangira Yesu eribalha omo bye kanisa yabya ikakolha.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Neryo abikiriraya bosi mobabya haguma, mobasangira ebindu byosi byo haguma. Kandi mobagulya esyombibi syabo n'ebindu byabo, ibakangira ebindu byosi ebyo n'abandi bosi, ng'obwaga b'obuli muntu.

Emibiri 2:44-45



Erihanulha

Mughende omwa hithongole hikehike ehya bandu 3 kutse 4. Muhanule okwa bibulyo bino.

- Amakanisa alyathi omwa kyalo kyenyu? Ane ng'amakanisa awakakanibawako omwa Biblia omwa kitabu kye Emibiri ya Bakwenda?

- Abandu bakatsuka erikenga olhwanzo Ihwa Nyamuhanga Ihwa bathi? Ni minya Yesu lisa kutse ninakinyene okwekyo? Abandu banginalhangira olhwanzo Ihwa Nyamuhanga erilhaba omwabindu ukakolha kutse bangilhangiramo emibiri yosiyosi eyolhwanzo?

Enyuma w'esyodakika nyike, abandu boosi baletha haghuma erisyaghana haima n'abandi.



Erisaba

Bwira obulimundu omwakithongole eribya babiribabiri. Obuli bandu babiri bakole bino.

- Erisima Nyamuhanga habo olhwanzo Ihwa bulimuyima.
- Sabira abandu abali omwakyalo kyenyu okwalina uthi bangasa okwiminyanya olhwanzo Ihwa Nyamuhanga.
- Saba uthi Yesu akolesaye eyaghulinayo omwisaba erikangya olhwanzo lhwuwe omwa kyalo.

Bamabya ekyosi ekyaghukanza erikolha eky'erikangania olhwanzo, bwira oghundi mundu eriku sabira oku Nyamuhanga erithunga eriwathikibwa erikolhaky.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramu omwamulenge munene murindi minene, abekithongole ibanemusubamo enyuma syaghu.

Neryo abikiriraya bosi mobabya haguma, mobasangira ebindu byosi byo haguma. Kandi mobagulya esyombibi syabo n'ebindu byabo, ibakasangira ebindu byosi ebyo n'abandi bosi, ng'obwaga b'obuli mundu.

Emibiri 2:44-45



Ekyerireberyako ithwe Erighenderako: Lufwanyama, Zambia

Ghabana omughane ono nabulimundu erikakamiriryo.

Ekyi nikyalo omwa district eye Lufwanyama omwa kitsweka kyeyighulhu ekye Zambia aho abataka abe kyalo bathwamo erikolha ekindu ekyembaghane. Erithendekero mulyahimbwa omwa kyalo kyabo baithu ekyomughisa mubi, abandu abahimba erithendekero mubathathoka erithuha amusara ow'abathendeki. Enyuma w'obuthuku, abathendeki mubatsuka erilhwa okwarithendekero neryo mulyaleka erikolha.

Enyuma w'obuthuku, abandu abomwakyalo mubathakolhaki. Mwabikalha nerireka ekyi eribyaho kithya. Nibya bangakolire kyahi?

Neryo kirokighuma, omukali omwakyalo eyowabya Mukristayo mwathunga ekirengekanio. Mwatsuka eribulya obulimundu omwakyalo ababya bawithe abana abakaghenda okwithendekero, eriwithikya erithendekero. Obuwathikya sibwabya bunene aliwe enyuma w'obuthuku, muhabya ehamabiribya esyosente esyeritsuka erithuha abathendeki. Abathendeki mubatsuka erisulbuha kundi mubabya ibanginathuhwa busana n'omubiri wabo.

Neryo abikalhani mubathunga ekindi krengekanio. Enyuma w'erithendekero yabya ekyithaka. Birobike, ekithunga ekye balhume erilhwa omwakyalo mubawathikya eririma ekyithaka. Mubimya esigho erilhwa okwakathongole eyihya neryo mubatsunka erihera

ebikusa haima n’esyonyinyi eribya nyingirya ey’erithendekero.

Kyikinakalire busana n’abo. Sibawithe esyosente esyosi haima n’ebitabu ebyerisomeramo ebyabakayithagha. Aliriryo, babiritsuka ekindu kanid babirikalha ekindu haghuma erithondeka abaana babo. Ekyi kyekyerireberyako ekyabya kyahiribirweho n’ekanisa eyerimbere omwa Mibiri ya Bakwenda 2 kandi ni mughane owokwenene erithuwathikya eriregekania ngathwangakolhaki.



Erihanulha

Mughende omwa hithongole hikehike ehya bandu 3 kutse 4. Muhanule okwa bibulyo bino.

- Habwaki thukabana ngakyikalire eribya ng’ekanisa eyerimbere? Habwaki obuthuku bunene thukalhwa kutsibu eriyihayo, obuthuku bwethu haima n’ebindu byethu?
- Hane kindu omwa kyalo kyaghu ng’erithendekero erylwe Lufwanyama, eky’kithongole kyaghu kyanginawathikya? Yamabya eyihi, hane kindu kyosikyosi ekye kithongole kyaghu kyanginakola eriawathikya abali omwakyallo kyaghu?
- Bwira obuli mundu erighabana n’ogundi ebyabamahanulha.



Ekyerikalha eyenga eno

Muthwemu erisangasangana haghuma.

Imaya endondekania eyabandu eyawuwithe erilhwa omwa yenga eya 2. Munabwire thulhe thakahanula thuthi ekanisa yikalha ebindu busana nabawithe eriyithagha omwabikalhani byethu.

Muwabulya abandu abomwakyallo kyaghu esyoyenga 2 enyuma ngabikayithagha buwathikya bwahi. Eyenga eyihwere muwasa

n'ebirengekanio ebyangakolha omwabikalhani baghu. Munabwire, thulhwe thukahanula thuthi ekanisa yikolhe ekindu busana n'abandu abawithe eriyithagha omwabikalhani bethu. Ukendiyithagha erihanula ekyaghukalengekanaya uthi wanginakolha kandi bandu ngabakayithagha eriwithikibwa bathi. Wanginasangana uthi ekindu ekyawangakolha kyanginabya eriyithagha ly'oghundi mundu.

Ebindi bindu ebyathwangakolha eriwithikya omwabwikalho bwethu byanginathwalha buthuku, akaghalha kutse erithondekania.


Hakendisyabya hakabya ihane emibiri eyawanginakolha eriwithikya ekyalo kyaghu. **Aliwe, kulhusyako ighulyathwamo erikolhabyo, sihali ekyangabyaho.** Sihali mundu wosiwosi oyukendisyalhwa eyihya eyukendesyasa n'erikukolerakyo.

Ekyerirebyerako ekyerikolha kinenen kyanginabya ngerebererya erithendekero, erithondekania ekithehero, eritsuka erirma eryeriheramo ebyalya bya bera kutse erikolha ebindu ebyerighulya erikolesya amaghoba busana n'abandi.

Emibiri mikemike ng'erisubya elhuthwe lh'omukwakali, erihakera amaghetse w'omulhwere kutse erigha esati y'omundu oyukayithaghayo kyanginakolhwa ahonaho; sikyiryithagha erirengekania kutsibu.

Kwamakyarondya obuthuku eyenga eno neryo ghenda n'eriyakolha 1 kutse 2 okwamibiri mikemike, olhu nilhwanzo lhwa Nyamuhanga olhukatsuka erikolha omwakyalo kyaghu.

6: Ebinywa Sibirighunza



Ekilhubirirwa

Ekyerigha kino kyikalebaya okwamughane ow'Omusamiray Mubuya kandi ngakyimanyisayaki eryanza abandu. Erisomo lino likendithuwathikya erithendibya batsweri babandu.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Naye mwasubirya ati, Litolere iwanza Omukama Nyamuhanga wawe omo mutima wawe gosi, n'ekirimu kyawe kyosi, n'omo maka wawe gosi, n'omo bulengekania bwawe bos; kandi iwanza mulikenyu ngoko uyanzire.

Luka 10:27



Obwenge bwe Biblia

Obuthuku bunene Nyamuhanga akakolesaya ab'abandu bathelengekanaya erikolha erisonda liwe. Nyamuhanga akanza erisangalisya abandu erikolesya abo abandu bathelengekanaya indi banginakolesibwa na Nyamuhanga. Omughane ono ahambangene okwamundu oyuthemwalhwahi oyo Nyamuhanga akokolesya eriokolha ekindu ekyowene.

Somera ekyihandikine ekye Biblia kino ky'ekithunga omwamulenge munene.



Omughane owo Musamariya mubuya (Luka 10:25-37)

²⁵*Neryo omukangirirya w'Emigambo mwahikaho n'erimulengako ati, Mukangirirya, nyikoleki inatoka eribana engebe y'erikota kwehi?*

²⁶*Yesu mwamusubirya ati, Ebisakire omo Migambo ni byahi kwehi? Ukasomabyo uti kwehi?*

²⁷*Naye mwasubirya ati, Litolere iwanza Omukama Nyamuhanga wawe omo mutima wawe gosi, n'ekirimu kyawe kyosi, n'omo maka wawe gosi, n'omo bulengekania bwawe bos; kandi iwanza mulikenyu ngoko uyanzire.*

²⁸*Yesu mwamusubirya ati, Wabirisubirya ndeke; Ukole utya, wasyabyaho.*

²⁹Nikwa omukangirirya w'Emigambo iniakasonda eriyiyira mo mutunganene, mwabulya Yesu ati, Mulikyetu nindi kwehi?

³⁰Yesu mwamusubirya ati. Habya omundu oyo wabya akandagalira eYeriko iniakalua eYerusalem. Neryo abanyeyi mobamuhunga kw'ebyosi, mobamuhunza neryo mobamusiga hakuhi n'erihola. ³¹Neryo muhereri muguma mwahikaho, iniakalaba omo nzira eyo. Omugulu omuhereri amulolako, mwayihengeka erilaba. ³²Neryo Omulawi abere ahikaho, naye mwamusamalira n'eriyihengeka, mwalaba elutambi. ³³Nikwa Omusamaria, oyo wabya oko lugendo, mwahika ahali omundu oyo, neryo abere amulolako, mwamuganyira. ³⁴Neryo mwaya aho ali, muta amaguta n'ebinyu oko bironda biwe n'erisenga ebironda ebyo; kandi mwamuhira oko punda yiwe, mwamutwala oko hotele neryo mwamutwanira. ³⁵Omo ngyakya mwimya esyofranka magana abiri mwahasyo oko mwenye hotele ati, Unyitwanirireye, neryo ekiro nasyaswasa nasyakuha ebyo ukamulihira kwilaba esi.

³⁶Neryo Yesu ati, Ukaganiraya uti nindi oko basatu aba yo wabya mulikyabo mundu oyo wahambawa n'abanyeyi kwehi?

³⁷Omukangirirya w'Emigambo mwasubirya ati, Oyo wamuganyira. Neryo Yesu mwamubwira ati, 'Ugende, nawe Ukole utya'.

Yesu mwabugha omughane owo Musamaria Mubuya habwa nzumwa ibiri. Anza erithukangania ngakyikamanyisayakyi erinza omundu kwenene. Kandi anza erithukangania athi sibabandu abe kanisa basa abo abakanza nerikolera Nyamuhanga.

Yesu abya n'obuyighendeserenzya omughulhu imaya abandu abali omwamughane. Mwasombolha obulimundu habwa ekilhubirirwa.

Omuhereri ni mundu ow'omubongo munene oyutholere eryanza Nyamuhanga. Baithu omuhereri omughane oyu mwanakangya olhwanzu Ihwa Nyamuhanga? Omuherire mwayilabira lhuhande okwa mulhume oyowahutalibawa. Mwatakangya olhwanzo Ihwa Nyamuhanga nahake.

Omulawi abya Muyuda oyowabya akalabirira ekiherero. Ng'omuhereri; abya atholere eribya mundu oyowanzire n'erikolera Nyamuhanga. Aliriryo, nayo mwalaba okwa mulhume oyowahutalibawa. Abya atholere inabya mundu oyowangawathikirye omundu oyowabya okwalhughendo, baithu mwathakolha athya.

Omusamaria abya mundu oyo banyakanisa bathendyana omwamughulhu wa Yesu. Abayudaya balengekanaya bathi Abasamaria babya bandu bathahikire kandi isibandu ba Nyamuhanga.

Ekyabya kyabere nikyahi omughulhu Omusamaria ahika hakuhi n'omulhume oyowahuthalibawa? Mwamuwathikya n'erimuthwanira erilhwa omwisaho yiwe. Mwalhangira athi omulhume oyo wahuthalibawa akabya ndeke.

Yesu mwabugha athi "Ekyomukakolera omughuma okwabakebake aba mungangolerakyo." Omusamaria musa, oyowabya mumdu owahali, mwakangya olhwanzo Ihwa Nyamuhanga n'erithwanira omulhume oyo.

Omuhereri haima n'Omuawi bangabere imubaminye ebyosi ebinywa ebyeribugha, bangabere emubaminye esyinyimbo esy'erimba, erisaba kandi bangasikibirwe omwa kanisa.

Yesu mwathatswamana ebyo nibya. Mwabugha athi Omusamaria kyekyerilhangirako ekyowene ekyerikwama. Mwabwira omukangirirya ow'emighambo "erighenda n'erikolha athya."

Sikyerighunza erithulira kutse erisomesya omwa kinywa kya Nyamuhanga. Abandu batholere ibathunga ekinywa kya Nyamuhanga omwamikolere yaghu. Sithutholere eritswera abo abali ehihya omwakanisa. Omundu omwakyalo kyenyu amanza erithuwathikya erikolha ekibuya, thutholere ithwabaleka.



Erihanulha

Mughende omwahithongole ehyabandu 3 kutse 4 kandi muhanule omughane ow'Omusamaria Mubuya ngamaleka imwayowa muthi. Kyamaleka imwalengekania muthi?

Neryo thwalha obuthuku erithakaninzya omusathu muke erikangania abandu abo mwakithongole omughane. Omughuma athwale ekitseka ekyeribya Omulawi, oghundi abye muhereri, oghundi abye Musamaria kandi n'ogundi abye omulhume oyowahuthalibawa. Mukanganaye omusathu oyo w'ekithogole kyaghu.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Naye mwasubirya ati, Litolere iwanza Omukama Nyamuhanga wawe omo mutima wawe gosi, n'ekirimu kyawe kyosi, n'omo maka wawe gosi, n'omo bulengekania bwawe bosi; kandi iwanza mulikenyu ngoko uyanzire.

Luka 10:27



Erisaba

Bulaya obuli muntu omwakithongole eribana omwanya owali bukuthu kandi ibibene habwa dakika 5-10. Babulaye uthi obulimuntu iyowene asabekandi babulaye Omukama eribakangya emighulhu babya babere ng'Omuhereri kutse Omulawi, kabutsira ng'Omusamaria.

Babwire uthi sibayikwire mbehere busana n'omighulhu eyi. Babughe bathi bolhobolho kandi babulaye Nyamuhanga eribawathikya erikolha ndeke oghundi mughulhu.

Neryo haghuma ng'ekithongole basime Nyamuhanga omwamulenge munene bathi abiribaha ebithutholere, abandu biwe, ebyothwangayithagha eriawathikya abathuthimbireko. Mubulaye eribawathikya ng'ekithongole erikolha haghuma nerikolha ekyembaghane omwiyithagha erylwe kyalokwenyu. Mulekekama kyalaba ng'Omuhereri haima n'Omulawi. Mubye ng'Omusamaria Mubuya kwenene.



Ekyerireberyako ithwe Erighenderako: William Wilberforce

Ghabana omughane ono nabulimuntu eribakakamirirya.

William Wilberforce mwikalha emyaka eyilhabire okwa 200 kera e England. Omughulhu abya Mukristayo omwa 1785 muhabya esyombinduka sinene omwamibere yirikalha omwangebe yiwe. Mwabya akabughira abathabya bakahulikirirwa.

Omwamighulhu yenyuma, abandu abe Africa mubathwalibwa ngabakobe eriyakolera abali omwabindi bihugho. William Wilberforce mwathaligha indi Nyamuhanga abyakalengekania athi ekyi kyihikire.

William Wilberforce abya munyapolitiki kandi habwekyo ibyawithe amaani omwa buthabale. Erikirirya liwe ng’Omukristayo mubyaleka inakolha epokopoko athi erighulya abakobe lihwe. Omughulhu munene eribugha n’ebirengekanio biwe mubyasingwa. Baithu emighulhu minene mwalengesya kutsibu.

Erighunzerera, obuyitsotse buwe mubwatsuka erighana. Ebiiro bisathu athalyaholha, mwaminya athi epokopoko yiwe yabirikolha, ekilayiro kyabya ikyabirihinduka kandi abandu ababya bakobe babya isibendithasyabya bakobe.

Abya ng’Omusamaria Mubuya. Angabere imwabihwako, baithu mwaghumisirinzya eriponwa n’erighanibwa, erilhwika abandu esyongumi-n’esyongumi erilhwa omwangabe ey’erinuba. Inga kwenene nikyerilhangirako okwithweboosi.



Erihanulha

Mughende omwa hithongole hikehike ehya bandu 3 kutse 4. Muhanume okwa bibulyo bino.

- Omusamaria Mubuya abya mundu eyowanginayilhabire baithu mwathakolha athya. Mwawathikya omundu oyowabya iniabiribibwa nabarahi. Nibindu byahayi ebikaleka ithuthakolha ebindu ebyeriwathikya abathuthimbireko? Mukolhe endondekania yabo ahakathikathikenyu.
- Samalira endondekania eyamwamakolha neryo mukanaye ngamwangabighunzaho muthi. Thwanginaghana

eritswamana ebyeriyithagha ebithuthimbireko, kutse n'erilengekania thuthi sithuwithe ekyathwangakolha kubyo. Ekyi sikyitholere. Unawithe ebyoosi ebyoghukayithagha, une na Nyamuhanga, erikolha ekyembaghane omwakyalo kyaghu.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Naye mwasubirya ati, Litolere iwanza Omukama Nyamuhanga wawe omo mutima wawe gosi, n'ekirimu kyawe kyosi, n'omo maka wawe gosi, n'omo bulengekania bwawe bos; kandi iwanza mulikyenyu ngoko uyanzire.

Luka 10:27



Ekyerikolha eyenga eno

Muthwemu erisangasangana eyenga eno.

Utholere erithwamo ekyerikolha ekinene ekyoghukanza erikolera ekyalo kyaghu. Obundi-n'obundi mwanginaghana erikirya ng'ekithongole, baithu utholere erikolha ekyerithwamo ekyerikolha haghuma.

Mwanginabya imwabiryasa nekirengekanio eyenga eyihwere ekyikendikuwathikya omwibugha okwamwatsi.

- Kolha endondekania eyebindu ebyo ukendi yithagha busana n'omubiri. Wibuke indi ebindu ebyowukayithagha obuthuku bunene si sente. Ekyerireberyako wanginayithagha esigho,

eritaka, kutse eyisuka. Ekindu ekyowukayithagha anginabya omundu oyowasi erikolha ekindu.

- Minyerera ebindu ebyowuwitheko ahakathikathi kaghu na Nyamuhanga neryo usingaye Nyamuhanga busana nabyo.
- Kolha endondekania ey'ebindu ebyo ukendiyithagha neryo usabe uthi bikendikuhabwa. Lengekanaya okwamibere eyowangabana, eriyibweka kutse erighulha ebindu ebi.

Ghenda ubane omwimaniri owe kithongole kyaghu kutse omukulhu w'ekyalo. Kanaya nabo okwakirengekanio ekyawuwithe kulhabirirya ngaghukendiyithakyi erikolhakyo. Bulaya ngabanginakuwathikya n'ebindu ebyo ukayithagha. Obundi ng'ekithongole mwanginayithagha erihabulhwa lyabo. Bungira abandu bosibosi abowukalengekanaya ghuthi banginabawathikya neryo kanaya haima nabo okwakyoghukanza erikolha kandi ngabangakuwathikya bathi.

Saba ghuthi Nyamuhanga akendikuwathikya.

7: Nyamuhanga Akathuha Ebithuliko Bwagha



Ekilhubirirwa

Erisomo lino likendithuwathikya eriyitheghererya thuthi Nyamuhanga syaliha abawithe bindu kutse abandu ab'amaka haima nabikere omwameyi eye kihugho kino, akathuha nethu nibya ithwe thwikere omwa byalo. Thwamabya ithunemukolha eriyithagha liwe, thukathunga erihayo okwithwe.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

*Nikwa mutsuke erisonda Obwami bwa Nyamuhanga
n'eritunganene riwe, naye asyabaha ebindu byosi ebi.*

Matayo 6:33



Obwenge bwe Biblia

Somera ekithongole ekyisakire kino omwamulenge munene.



Siwuyiluhaye (Matayo 6:25-34)

²⁵Busana n'omwatsi oyu, ngababwira nyiti, Simuyiluhaye n'amaganiryo busana n'engebe yenyu, muti, mwasyalyaki, kutse busana n'omubiri, nga mwasyambalaki. Kusangwa engebe siyirengire byalya, n'omubiri sialengire esyongimba kwehi? ²⁶Musamalire esyonyonyu sy'omo kyanya; kusangwa sisyebibaba, kutse sisyegeza, kutse erihirabyo omo bigona; nikwa Tata wenyu w'elubula akalisayasyo. Nenyu Simuli b'obuguli bunene kwilabasyo kwehi? ²⁷Kandi nindi kwinywe amayiluhya busana n'amaganiryo angatoka eriyitomekera oko myaka yiwe kwehi? ²⁸Kandi busana naki mukayiluhaya omo maganiryo busana n'esyongimba kwehi? Mulebaye ebiranga-ranga by'omoli ngoko bikalasa. Sibyenuba, kutse eriluka esyongimba. ²⁹Nikwa ngababwira nyiti, Solomono omo lukengerwa luwe losi mwatambala ndeke ng'omusanga muguma oyu. ³⁰Nikwa Nyamuhanga oyukambalaya ebiti by'omoli, ebikabyaho munabwire n'omo ngyakya bikagusawa omo liko, siendisabambalya kwilaba aho inywe bandu b'erikirirya ike kwehi? ³¹Neryo simuyiluhaye n'amaganiryo muti,

Twasyalyaki, kutse Twasyapulyaki, kutse twasyambalaki kwehi? ³²Kusangwa ebihanda bikasonda-sondaya ebindu byosi ebi byo kutsibu. Tata wenyu w'elubula anasi ebyosi ebibali bwaga. ³³Nikwa mutsuke erisonda Obwami bwa Nyamuhanga n'eritunganene riwe, naye asyabaha ebindu byosi ebi. ³⁴Neryo simuyiluhaye n'amaganiryo busana n'omo nyakya; kusangwa engyakya yasyabya n'amaganiryo wayo. Obuli kiro kiwite obulige bungaho.

Ebitsibu binene byanginaleka ithwathalhuka eririgha ebyo Nyamuhanga akanza athi thukole omwa kyalo kyethu. Obundin'obundi omwabyoosi ebi, ebitsibu haima namaghanirio aw'esyosente byabikathwimanaya kitsibu.

Ekighuma okwabikathwimanaya Iyeririndirira owundi mundu oyuwithe esyosente erithuha. Thwangingasamalira omunyalhughanda ow'ebindu omwamuyi kutse omunyalihika. Thwangingalindirira eribunga ly'omuthuli w'engulhu kutse ekithongole erithuwathikya. Thukabasamalira erithuha kwilaba ngokuthukasamalira Nyamuhanga erithuha.

Thwangingahambwa ithwebenebene omwiyibanira obyothukayithagha. Ekikyikakengawa, baithu thwamibuka erigha eryomukwakali ne kanisa eye Makedonia, erisiryerisonda Iya Nyamuhanga. Anzire itwasamalira okwiyithagha lyabandi.

Ekinene ekikaleka ithuthayiketera Nyamuhanga wa maghanirio.

Ekihandikire kino kyikathubwira kithi thusamalire eby'obuhangwa. Erisamalira esyonyonyi sy'omokyanya n'omusanga w'omwali kandi n'erikenga thuthi Nyamuhanga akahabyo ebyosi ebyabakayithagha. Nyamuhanga akathuibwira athi sithubye tokabulya,

“thwasyabulyaki? Thwasambalaki? Kutse thwasalyaki?” kundi thwamamuyiketera iyo musa, asyathuha eriyithagha ebyothukayithagha.

Amaghanirio n’erithendiyikethera ni kibi. Abebihanda babya bandu abathabya basi Kirsto kutse engulhu yiwe. Eribya namaghanirio haima n’erirondekania ebindu ebi nibya ow’ebihanda, sikya Nyamuhanga akathuyisunzako. Nyamuhanga akayisunza athi thukole kutsibu kandi thuthunge olhukwamirwa, baithu syalyanza athi thubye namaghanirio haima n’eriyibikirabyo aliwe eriha okwabyethu n’esyosente.

Kulenga werighanirya, thughuse ebitsibu byethu oku Yesu oyukendithuwathikya erihakabyo. Eriengekania ekwabithunza erikolha omwa byalo bethu, thukayithagha eriha amaghanirio wethu, ebikathubahisaya n’eriyithagha lyethu oku Nyamuhanga.



Erihanulha

Omwa hithongole ehya bandu 3 kutse 4, mukanaye n’erighabana emiringo y’ebindu ebyathughaniriyako.

Ekyakabiri, bulaya ekithongole erighabana obuthuku omughulhu baminya bathi Nyamuhanga abiribaha ekyobakayithagha n’erisubamo emisabe yabo.

Thunatholere eririndirira omundu erithugha ebyothukayithagha? Kutse Nyamuhanga anginathuhabyo iyowanyinyine?



Omulhondo w’Eribuka

Soma omulhondo ow’eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene,

abekithongole ibanemusubamo enyuma syaghu.

*Nikwa mutsuke erisona Obwami bwa Nyamuhanga
n'eritunganene riwe, naye asyabaha ebindu byosi ebi.*

Matayo 6:33



Erisaba

Muyighabe mwa babiribabiri. Bwira obulimughuma erighabana ebyobakaghanirayako omwa ngebe syabo esaaha eno. Anginabya omughuma okwabomwakihandu, erihika, ebyalya kutse ekindi kindu.

Ghabana n'oghundi mundu neryo musabe muthi Nyamuhanga akendibaha eriyithagha lyenyu.

Neryo mwase haghuma ng'ekithongole kinene, musabe okwithwamo lyenyu eryomulhwe imunemukolha eriwithikya abandu omwa kyalo kyaghu. Wamabya ighunawithe endondekania eyebindu ebyoghukayithagha, imayayo neryo obulaye Nyamuhanga eribahabyo busana n'omubiri oyo.



Ekyerireberyako ithwe Erighenderako: Brother Yun

Ghabana omughane ono na bulimundu eribakakamirirya.

Brother Yun abya muhereri mwera owekisomo ekibisamire ekithasibwendeke omwa China. Omwa China, amabya musangu aba Kristayo erisangasangana n'eripipa hauma kandi abamaniri babu n'abaKristayo mubaghunzerera ibabiriya omwangomo.

Omwamyaka yiwe ey'obulere mwayithagha e Biblia neryo Nyamuhanga mwamuhayo omwaky'erithikira. Oghundi mu Kristayo omwakihugho ekyahali mwalhotha neryo mwamubungira, mwamuha e Biblia.

Omwamyaka yiwe eyebukulhu, Brother Yun mubamuhamba n'erimithwalha omwangomo eyikalire eye Zhengzhou baithu mwalholha embere inianemuthulha omwatsi w'engulhu okwa banyangomo haima n'abalindi b'engomo. Aboosi abanyangomo haima n'abalindi mubabya baKristayo. Brother Yun mwaghalhwa kutsibu iniane omwangomo, mwalengekania athi akendiholha nibya. Kiro kighuma, mwowa Omulimu Abuyiririe akamubwira athi alabe okwa lukyo lw'engomo olhwabya Ihulindirwe kutsibu. Ekyo mukabya ekyitekyakirirbwa okwiyo, baithu kundi abya Nyamuhanga oyukabugha nayo athi akole athya, mwathwamo eririgha. Inianalindirire erimulasa, mwalaba omwasyonjo sinene esyabya isyabirisiwa buthakyingwa n'erilaba omwalukyo olhunene, mwayinyadya okwa kidongo ekyabya kiri.

Mwabya ngasyathalhangirwa nabalambi. Nyamuhanga mwamuwathikya omughulhu abya omwangomo kandi mwamuha enzira eyitsweramo ngokwanakolhera Paulo na Sila omwa kitabu ekye Emibiri y'Abakwenda.

Nyamuhanga mwakolera iya Brother Yun. Mwathayithagha ghundi mundu erimuwathikya kuwasangwa Nyamuhanga mwahayo busana n'engebe yiwe. Ibyawithe erikirirya omu Nyamuhanga butsira mundu.



Erihanulha

Omwabithongole ebya bandu 3 kutse 4, muhanule okwabibulo bino.

Thukanikiriraya thuthi Nyamuhanga anginathuha ebindu ebyathukayithagha? Lhusayayo endondekania y'ebindu ebyaghukayithaha. Nyamuhanga anginakuhayo?



Omulhondo w'Eribuka

Soma omulhondo ow'eribuka omwamulenge munene

okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

*Nikwa mutsuke erisonda Obwami bwa Nyamuhanga
n'eritunganene riwe, naye asyabaha ebindu byosi ebi.*

Matayo 6:33



Ekyerikolha eyenga eno

Bana obuthuku obwerisangasangana eyenga eno. Nimughulhu oweritsuka okwakyowabithwamo erikolha omwakyalo kyaghu. Mukendiyithagha obuthuku haghuma ng'ekithongole kandi imwahiraho amaani.

Samalira ebiyithawa ebyawabirikolha kandi mughabane emibiri haghuma ng'ekithongole. Wibuke Nyamuhanga abirikiha ebihembo haima n'esyantanta. Ulangire uthi sighulisitsandaya.

Ithweboosi sithusosene neryo wibuke erihaghaba emibiri okwabo abanganakolhayo ndeke. Abandi bangibya n'amaka, abandi banginabya ibayithondekire ndeke, kandi abandi banginabya ibasi erikolhesya ebyalha.

Owundi mugulhu thukendiyithagha erikolha ebindu ebyothuthalithwathakolhaho kutse eyanginakalha okwithwe. Siwukwe bubu. Aliwe, bulaya Nyamuhanga eriwithikya.

Omwana syangathoka erigha erighenda amathendikolha esyotambu esyerimbere. Ekyokihikire busana n'ekyathukakolha omwakyalo kyethu.

Thughenda haghuma omwayenga eno.

8: Erikirirya – Thutholere Erikiririrya



Ekilhubirirwa

Ekyerigha kino kyikendithuwathikya eriyitheghererya ebyerilangirirako ebyabandu ababya bawithe erikirirya omwa Biblia kandi ngabikamanyisayaki okwithe omwa kyalo kyethu.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramuho omwamulenge munene murindi minene, abekithongole ibanemusubamo enyuma syaghu.

Nikwa erikirirya ni 'minya kundu emyatsi eyo tukahira kw'amaha, kandi ni'riga kwenene emyatsi eyo tutelangira...Kandi ahate erikirirya omundu siangatoka eritsemesya Nyamuhanga, kusangwa litolere oyukahika uku Nyamuhanga inikirirya ko Nyamuhanga aneho, kandi kw'akahemba abakamusonda-sonda.

Abaebrania 11:1 haima no 6



Obwenge bwe Biblia

Thukaghenda eriyalebya ebyerilangirirako erilhwa omwa Abaebrania erithuwathikya eriyitheghererya erikirirya. Abaebrania ekyitsweka 11 ni kyiri neryo thukendi soma emilondo yamukyo baithu wanginasoma ekyitseka ekyosi iwune eka wamabya ighunawithe e Biblia.

Somera ekihandikire ekye Biblia ky'ekithongole omwamulenge munene.



Erikirirya (Abaebrania 11:1-12)

¹*Nikwa erikirirya ni 'minya kundu emyatsi eyo tukahira kw'amaha, kandi ni'riga kwenene emyatsi eyo tutelangira.* ²*Kusangwa busana n'erikirirya lyabo, abandu ba kera mobabana erisimwa Iya Nyamuhanga.*

³*Ni busana n'erikirirya tukaminywa kw'ekihugo kyahangikawa omo kinywa kya Nyamuhanga, neryo ebikalolawako mobyalua*

ukw'ebyo ebitelolawako.

⁴Busana n'erikirirya Abele mwaherera Nyamuhanga obuhere bowene kwilaba obwa Kaina. Neryo Nyamuhanga mwamwahula mo mutunganene kusangwa Nyamuhanga mwatulago kw'amaliga olusunzo luwe. Kandi busana n'erikirirya liwe, Abele nomo anahola, akinabuga

⁵Busana n'erikirirya, Enoka mwatwalwa endata butsira erihola, naye mwatabanika, kusangwa Nyamuhanga mwamutwala endata; nikwa embere w'eritwalwa endata liwe, mokyatulwa busana naye bati mwatsemesya Nyamuhanga. ⁶Kandi ahate erikirirya omundu siangatoka eritsemesya Nyamuhanga, kusangwa litolere oyukahika uku Nyamuhanga inikirirya ko Nyamuhanga aneho, kandi kw'akahemba abakamusonda-sonda.

⁷Kandi busana n'erikirirya, Noa iniakahanawa na Nyamuhanga busana n'emyatsi eyite yalolwako, mwakenga Nyamuhanga; neryo mwakokotya obwato busana n'erilamya ekitunga kiwe. Busana n'eki mwahira olubanza oko kihugo, neryo mwabana eritunganene erikahika omo nzira y'erikirirya.

⁸Busana n'erikirirya, Abrahamu omugulu abirikirawa, mwowa, n'eriya oko kihugo ekyo Nyamuhanga amulaga erimuhakyo. Neryo mwalua omo kihugo kiwe, isiasi eyo akaya. ⁹Busana n'erikirirya, Abrahamu mwikala ng'omubunga omo kihugo ekite kiwe, ekyalagawa. Mwikala omo mahema haguma na Isaka, na Yakobo, abasangira erilaga eryo. ¹⁰Kusangwa Abrahamu abya akalindirira omuyi W'ebibanza ebisikire. Omuyi ogo Nyamuhanga akokotaya n'erihimbago.

¹¹Busana n'erikirirya, Sara mwabana amaka w'erihika obukule,

*nomo anabya iniabirilabya omugulu w'eributa abana,
kusangwa mwayiketera Nyamuhanga oyo wamulaga.¹² Neryo
Abrahamu nomo mubiri wuwe abya ng'abirihola, mwabuta
abandu bangi ng'esyongununu esiri omo kyanya, abateganzika
ng'emisege eyiri oko musike w'engetsi.*

Abandu aboosi abali omwa kisakire omwa kitabu ekya Abaebrania nib'Omwandaghane Yakera. Omuhandikiyi w'ekisakire abya akahandikira abayudaya ababya ibanginabuka abandu aba. Kundi thwabirikulha isithwasi emighane eyabandu aba, thutholere ithwigha emighane eyi n'ebyerireberyako ebikalire ebyayikathugha.

Erikirirya ly'eririgha kandi n'eriyiketera omwakyoghuthewangalangira. Thuthe n'erikirirya sithwangathoka eritsemesya Nyamuhanga. Abandu abali baana ba Nyamuhanga bakayisutsibawa erikalhira okwabilhayiro ebyabiribahiribwako kwilaba abandi bandu. Ekyerireberyako, Nyamuhanga amabugha athi akendibaha, thulighe thuthya kandi thukole ng'okwabiribugha. Nyamuhanga amabugha athi akendi akendithulinda, thulighe thuthya kandi thukole ng'okwabiribugha.

Thwamathwalha bandu babiri okwabali omwakisakire ekiri ahaghulhu, thukendilhangira erikirirya ngalikamanyisayaki okwabandu babairi obo omwa Ndaghano eya Kera eye Biblia.

Mughane wa Noa (akasangawa omwa Nzuko sura 6-9)

Abaebrania 11:7 akabugha okwikirirya Iya Noa.

Omwa Nzuko sura 6:22 ikabugha yithi, "Noa mwakolha ebyoosi ng'oku Nyamuhanga amulhayira." Nyamuhanga abya inakayathuma eribogha lyamaghetsekandi Nyamuhanga abyanzire erilhamya

ababya bakamuyikethera. Mwasaba Noa erihima obwathu ahathabya maghetse! Abandu mubasekererya Noa kandi mubaghanirya nga nimulhwere. Neryo amaghetse mwasa kandi obulimundu erilhusyako iya Noa haima n'eka yiwe mubithibwa. Erikiriyi Iya Noa omu Nyamuhanga muryalhamya engebe yiwe.

Erikirirya likayithagha erikolha. Ekikamanyisaya kithi thukakolha ebyo Nyamuhanga akathusaba n'omwathwangabya isithulikenga ekilhubirirwa.

Omughane wa Abrahamu (akasangawa omwa Nzuko sura 12 haima 17)

Abaebrania 11:8-12 ikakanaya okwikirirya Iya Abrahamu na mukaliwiwe Sara.

Abrahamu mwabwirwa na Nyamuhanga ambu akedmisiyathunga omulhwana nomwanabya musyakulhu na mukali wiwe ini mughumba. Mukali wiwe mwathikirirya ekyi nahake, mwa seka olhukukuni kundi abya mukekulhu. Nyamuhanga kandi mwamubwira athi abitsikulhu biwe bakendisya bya bangi ng'esyongununu sy'omokyanya. Abrahamu mwathwalha omughulhu erikirirya. Mwalengelesya erikiberererya iyo ngiyo, omughulhu aghotsera n'omukoli wiwe. Aliriryo erighutsetserera, mwikirirya. Nyamuhanga mwaha Abrahamu haima na mukaliwiwe yo mwana neryo mwaberererya endaghane yiwe okwibo.

Abyawithe erikirirya n'omwakine indi mwaholha isyalyathunga endaghane eyosi. Abitsikulhu wiwe byasangawa isibalibabya banene ngesyongununu syomokyanya. Obundin'obundi thwanginalindaho mugulhu Nyamuhanga isyalisuba omwamisabe yethu kutse eriberererya endaghene yiwe. Abetsikulhu ba Abrahamu munabwire

b'abandu boosi abawithe erikirirya omwu Nyamuhanga we Islaeri. Nyamuhanga mwabika endaghane yiwe oku Abrahamu.



Erihanulha

Omwa kithongole ekyabandu 3 kutse 4, muhanule okwa bibilyo bino.

- Unawithe erikirirya nga Abrahamu kutse Noa neryo wanginakolire ngabo?
- Thukayithaghakyi eririgha haima n'erikirirya omu Nyamuhanga? Kolha endondekania ey'ebindu ebiri omwangebe yaghu kutse omwa kyalo kyaghu.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa erikirirya ni 'minya kundu emyatsi eyo tukahira kw'amaha, kandi ni'riga kwenene emyatsi eyo tutelangira...Kandi ahate erikirirya omundu siangatoka eritsemesya Nyamuhanga, kusangwa litolere oyukahika uku Nyamuhanga inikirirya ko Nyamuhanga aneho, kandi kw'akahemba abakamusonda-sonda.

Abaebrania 11:1 haima no 6



Ekyerireberyako ithwe Erighenderako: Brother Andrew

Habana omughane ono nabulimundu eribakamirirya.

Mughala w'omuhesi, Brother Andrew mwathaghunza amasomo wiwe. Baithu Nyamuhanga mwakolesya omulhume Omudakyi ono, nekisomo kiwe kyike, isyawithe oyukamuherera

kandi isyawithe esyosente esyerikolha ebindu ebya bandu banene babya bakabugha ambu sibyangathokekana. Erilhwa e Yugoslavia erihika eKorea y'eyighulhu, Brother Andrew mwingira omwabihugho ibithabya bindana engulhu y'owene Erika eriretha esya Biblia n'erikakamirirya abikirirya. Obuthuku bunene mwayihira omwa mighulhu eyikalire kandi n'omwabitsibu busana n'abandi.

Ekyerirebyeryako kighuma ekya Nyamuhanga amuha ekithikothiko gh'omughulhu Andrew ayithagha erithuha ehamuli yiwe eyerighenda. Omughulhu Andrew athunga omugheni ekirokighuma atha'lyalebeka abaruha eyikasaba ehamuli, mwabya n'erikirirya athi omugheni anginabya amasa erimuha esyosente esyerithuhira ehamuli. Baithu omugheni abya Richard, omundu iya Andrew abya inabirisangana omwa Glasgow. Richard syasa erimuha, aliwe erimusaka. Andrew mwasobolera athi syawithe sente esyeriha Richard, baithu omughulhu abya inianemubugha, mwalangira esiringi okwa kithaka. Esiringi eyi yabya iyanginathuha ehamuli yiwe yerighenda eyihya; neryo ekyi kyamanyisaya indi iniane okwa sukuru eye Biblia. Kwilaba weriyibikira e siringi, Andrew mwathwamu erihayo Richard. Andrew ibya inabirikolha ekihikire, baithu Nyamuhanga ibya inianemwendimuha? Enyuma w'esyodakika, Andrew mwathunga a barua neryo imwiyo mwabya esyasiringi 30! Nyamuhanga ibya iniamabirimuha, erihabwa eryakyerithikira.

Omnamwaka eyakwamako, Andrew mwahayo engebe yiwe okwiyithagha eryekanisa eyomwabuhugho ebyahandi. [Omwabihugho ebyahandi, e Biblia siyabya yikalighirwa erighulibwa, ekrokolwa kutse erisomwa. Obulemi bwabya bukaghania ebaKristo haima n'esyakanisa, eriboha abathuliri

kandi n'erikalya engebe y'abandu ababulikiro].

Nyamuhanga mwaha Andrew ye motoka embyaka eye Volkswagen Beetle neryo erikolesyayo, Brother Andrew waletha esyo Biblia nawandi masako omwabihugho ebithwe obwagha. Erikolha iyowene omwamyaka eyerimbere, Andrew mwakolha kutsibu omwikola n'amakanisa omwabihugho ebyo. Omughulhu Andrew oghunza omurundi w'okubanza, iniakasuba e Holland eyabya akaghabana ebyakalabamo neryo iniaghenda omwakindi kihugho. Obuli Ihughedo lhwabyalhwakabya ilhoswiremo emighane ngoko Nyamuhanga myamuha ebyeriswekera kandi mwathwalha Andrew eriyasangangana nabikirirya ba Nyamuhanga.²



Erisaba

Musabirane emune babiribabiri.

Musabe muthi obulimundu okwinywe ahabawe ekisembo eky'erikirirya kandi athi atsuke eririgha Nyamuhanga habwa erikirirya kwilaba ngokowulhwe enyuma.

Ekisembo eky'erikirirya nikisembo eky'obunyamulimu, kandi neryo omughulhu ukabulhaya thutholere eithwaligha thuti Omukama akendithuhabyo. Yakobo 1:6 akabugha athi omughulhu thukabulhaya, thutholere ithwabya n'erikirirya kandi ithulithikathika.

Wibuke uthi Yesu mwabugha athi thukayithagha erikirirya obunene obwembutho eyeheredali imuthwathoka erighumya ebithwa.

²Wortes, David N. (10 Okwa Kabiri 2012), *Brother Andrew Biography* [UKWAMBEHO: Bikasangawa okwa: <https://www.inspirationalchristians.org/evangelists/brother-andrew-biography/> [BByabanawa 28 Okwakani 2020]

Thwamathunga erikirya busana n'ebindu bikebike, neryo thukamirirawa kandi omughulhu thukaligha Nyamuhanga busana nebindu bikebike, erikririya likendikulha. Neryo ibwa thukendibya n'erikiriya busana nebindu binebine.



Ekyerikolha eyenga eno

Muthwemo omughulhu kandi nganihayi aherisangasangana omwa yenga eno.

Utholere iwakolha endondekania eyeby'ukaghithagha eritsuka omubiri waghu.

Ekighuma okwabindu eby'ukayithagha erikolha lyeri samalira okwandondekania eyaghulyakolha okwabyaghukayithagha, kandi uthwemo ngokuwangathunga ebighuma okwabindu ebyo.

- Utholere erikolha ebindu?
- Wanabirithoka eriyibweka ebindu?
- Ukayithayithagha erisorokya omwakinthongole kyenyu erighulha ebindu?
- Ukayithagha erirondya omundu oyuwithe obunyimanyima kutse obwenge erikuwathikya erigha ekindu kihyaka?
- Hane ebindi bithongole ebyanganakuwathikya?

Ekyosi kyosi ekyawangakolha, uleka erikalha eririndirira oghundu mundu erikukolera ebyosi. Abandu abo Nyamuhanga akolesaya omwakanisa eyerimbere babya bandu baKristayo ababulikiro, kabutsira abandu abyalhwa eyihya.

Thwibuke, ngabaKristayo ababulikiro thiwithe Nyamuhanga ow'eriswekyia oywanginakolha ebindu ebyeriswekera erilhaba omwithwe bandu biwe. Thutholere ethwathunga erikririya n'erimuyikethera omughulhu thukamukolera.

9: Erikolesya Esya Talanta Syaghu



Ekilhubirirwa

Ekyerigha kino kyikendithuwathikya eriyitheghererya thuthi obulimundu omwakithongole awithe ebisembo muthinamuthina kandi n'esyatalanta esya Nyamuhanga abiribagha. Neryo ithweboosi thutholere ithwakolesya syethu haghuma habobubuya bwethu ithweboosi.



Omulhondo w'Eribuka

Soma omulhondo ow'eribuka omwamulenge munene

okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa hali misindo-misindo y'olusunzo, nikwa ni Mulimu muguma oyukahalo. Kandi hali misindo-misindo y'emibiri, nikwa bakakolera Omukama muguma. Neryo hali misindo-misindo y'amenge w'erikola, nikwa ni Nyamuhanga muguma oyukaha oko bandu bosi amenge w'erikola emibiri yosi.

1 Abanya Korinto 12:4-6



Obwenge bwe Biblia

Somera ekihandikire ekye Biblia kino okwa kithongole omwa mulenge munene. Ni mughane owa Yesu abugha erithuwathikya erikolesya ebisembo ebya Nyamuhanga abirithuha haima nobunyimanyima byerikolha omubiri wiwe.



Omusyo w'ebibande by'esyamagetsi (Matayo 25:14-30)

¹⁴Kusangwa liri ng'omundu oyo wagenda oko lugendo lw'ekindi kihugo, neryo mwabirikira abagombe buwe, mwasigira b'ebindu biwe. ¹⁵Neryo mwaha obuli mugombe ng'amenge wuwe kw'ali. Mwaha omuguma esyotalanta itanu n'oko gundi esyotalanta ibiri, n'oko gundi talanta nguma, neryo mwaya oko lugendo. ¹⁶Neryo-neryo oyo wimaya esyotalanta itanu, mwayatundyasyo, mwabana mw'endundi y'esindi talanta itanu. ¹⁷N'oyo wabya n'esyotalanta ibiri mwayatundyasyo, mwabana esindi ibiri. ¹⁸Nikwa oyo wimaya etalanta nguma mwayatakulirayo omo kitaka, mwabisa esyofranka sy'Omukama wuwe.

¹⁹Enyuma w'omugulu muli, omukama w'abagombe abo mwasa, mwabulyabo emiganzo. ²⁰Neryo omugombe oyo

wimaya esyotalanta itanu mwahikaho, mwaleta esindi talanta itanu, ati, Mukama, mowamba esyotalanta itanu. Langira! Nabiritundya mw'esindi talanta itanu.

²¹Neryo omukama wuwe mwamubwira ati, Wamakola ndeke, uwe mugombe mubuya oyuteregula! Sulitalegula omo bindu bike, nasyakuhira eriteya ebindu bingi. Wingire omo butseme bw'omukama wawe!

²²N'omugombe oyo wimaya esyotalanta ibiri mwasa ati, Mukama, mowamba esyotalanta ibiri langira, nabiritundya mw'esindi talanta ibiri.

²³Neryo omukama wuwe mwamubwira ati, Wamakola ndeke uwe mugombe mubuya oyuteregula! Sulitalegula omo bindu bike, nasyakuhira eriteya bindu bingi. Wingire omo butseme bw'omukama wawe!

²⁴N'omugombe oyo wimaya etalanta nguma mwahika ati, Mukama, nabya nyasi k'uli mundu Ukalire, ukagesa aho utabiba, n'erikuma-kuma aho utahira mbuto. ²⁵Neryo monubaha, monayabisa etalanta yawe y'omo kitaka. Langira! Yeyi!

²⁶Nikwa omukama wuwe mwamusubirya ati, Uwe mugombe mubi n'omugata, wabya wasi ko ngagesa aho ndabiba, n'erikuma-kuma aho ndahira embuto kwehi? ²⁷Kumbe wahira ebindu byage omo banki, neryo nangabere nahika inabana ebindu byage haguma n'endundi.

²⁸Neryo mumusagule etalanta eyo, muheyo oyuwite esyotalanta ikumi. ²⁹Kusangwa oyuwite asyhabwa ebindi, iniabya n'ebingi; nikwa oyutawite, asyasagulwa ebyo

*awite. ³⁰Kandi muguse omugombe oyutekuba lwahi omo
mwirimya w'eyihya; eyo abandu basyalira n'erikeregeta
ameno.*

Yesu mwakania omwamisyo erithuwathikya eriminy Obwami bwa Nyamuhanga kwabuli. Abandu abasathu abali omwamughane mubahabwa esyosente erilhusirirya okw'amani wabo.

Ithweboosi thwabirhabwa ebisembo kandi namani awathutholere erikolesya ndeke. Abandu babiri eberimbere mubapipwa busana n'erikolesya esyosente syabo erihamo esindi. Neryo mubahabwa ebindu binene. Aliwe, omundu mughuma myabya mughatha n'omuba kandi mubisa etalanta yiwe busana n'erithendibya mbuya okwamundu wosiwosi.

Omundu oyu mwahulhwamo mukiru kandi mwasaghulhwa etalanta yiwe. Omwa Yohana 12:23-25, Yesu akabugha athi wamathwamo erihambirira engebe yaghu omwakihugho kino ukendisyathalyayo. Kandi sikihikire erireka obuba bukaleka ukalemwa erikolha kindu. Ekyo kyakyikanalhwa omwibya mughatha; thwamabya n'obuba, omubiri syalikolhawa.

Halikindu kighuma ekyikulhu ekyathutholere ithwaminy. **Ebibande by'esyamagetsi n'obunyimanyima bwabulimundu sibwabya bwerikolesibwa nabo ibobene.** Bwabya ebwerikolesibwa namukama wabo. Nomwakine indi mubahabwa ewasingya, kubabika esyotalanta syabo, bangabere ng'omughombe mukiru.

Esyotalanta syethu sitholere isyabya syomughaso busana na Nyamuhanga, kandi thwabirilhangira indi omubiri wiwe ly'eryanza abathuthimbireko kandi n'eribabwira oku Yesu. Twamathendikolha ekyo isithwathakolesya etalanta yethu, thwamayibikirayo.



Erihanulha

Obulimundu okwalhwiwe alengekanaye okwabino habwe syodakika nyike.

Lengekanaya okwabindu ebyoghukakolha ndeke haima n'ebiyoghuthekolha ndeke. Lengekanaya okwabindu bisathu ebyowanginakolha ndeke kandi ekindu kighuma ekyoghuthekolha ndeke kandi bihandike.

Muhabane mwehithongole ehyabandu 3 neryo mukanaye okwa bino.

- Kanaye kwenene nganikyahi ekyikakwimanaya erihira esyotalanta syethu erikolha ndeke omwakyalo kyenyu? Obundin'obundi nibuba, kutse ekindikindu.
- Thwanganahindulha ebindu ebyo ebikathwimanaya, neryo ithwathoka erikolesya esyotalanta syethu syandeke?
- Omwahithongole, mulengekanaye okwamubirir mughuma ow'abandi bandu bakakolha ndeke. Mukakamiranaye omwibwirana ekyoghukakolha ndeke.



Omulhondo w'Eribuka

Soma omulhondo ow'eribuka omwamulenge munene okwbulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Nikwa hali misindo-misindo y'olusunzo, nikwa ni Mulimu muguma oyukahalo. Kandi hali misindo-misindo y'emibiri, nikwa bakakolera Omukama muguma. Neryo hali misindo-misindo y'amenge w'erikola, nikwa ni Nyamuhanga muguma oyukaha oko bandu bosi amenge w'erikola emibiri yosi.

1 Abanya Korinto 12:4-6



Ekyerireberyako ithwe Erighenderako: Jackie Pullinger

Ghabana omughane ono nabulimundu erimukakamiriryabo.

Wanginabya mutendeki, mulimi kutse mukoli w'ekindikindu, baithu ithweboosi thwanginaghenda kandi ithwakolera Nyamuhanga.

Jackie abya we myaka 15. Mwanza eribya muthuliri oyukaghenda akayathulha engulhu, neryo mwahandikira ebithongole binene ebya bathuliri. Eritsuka mwanza erighenda omwa Africa, baithu kandi mwalotha ebilhotho ebyamuha omuhwa w'ekirengekanio ekyerighenda e Hong Kong. Mwathathoka eribana obuathikya erilhwa omwabithongole ebikathulha engulhu, mwasaba obwenge erilhwa eyiri Richard Thompson, omuthuliri.... oyowamubwira athi awule etiketi eyobwatho obukaghenda hali kandi asabe eriminy a omughulhu werilhwamo. Mwaghendera okwihana eri kandi mwaghenda e Hong Kong omwabwatho omwamwaka 1966. Aliwe, omughulhu ahikayo, syabyawithwe iyasiyo kandi syabyawithe sente sinene.... Ekikulhu ekyalka inikiribwa eringirayo nikusangwa omwitsikulhu wa mama wiwe abya mupolisi weyo. Mwabana omubiri ng'omuthendeki w'esukuru y'omusingi omwa tawuni eye Kowloon Walled, eyo omwamyaka eye 1960 siyabyamo abapolisi neryo mukyabya kyikahulhukaya ebangi nyinene omwakihugho ekyosi eyabya yikahulhukibwa nabathwe bemisango abe China. Mwatsuka erisangasangano eryeminyethu eriawathikya ababya bakalya ebikathamiraya haima n'ababya byakakesya okwasyonzira

omwatawuni.

Omwa 1981 mwatsuka ekithongole ekyobuwathikya ekyabya kyikahulhwamo St. Stephen's Society ekyabya kyikahumulikania ababya bakalya ebikathamiraya, abamalaya haima n'ekyikundi ekyabibi. Erihika omwakwerikumi n'eyibiri 2007, kyabya ikamabirikulha kandi ekyiwethe obwikalho okwamiyi eyabandu 200. Omubiri ow'obuwathikya oyo abiriminywa n'obulemi obwe Hong Kong ababya bahereyo eritaka busana nemiyi eyerihumulikania. Ebya bakanywa ebikathamiraya bakalabamo yikayithaha obuthuku bunene kutsibu. Omwanya weribaha omubatsi, bakahirawa omwakisenge habwa biro 10, ibasabirwa n'erilhabirirwa n'abandu ababya bathamiri kera.³

Ebosi ebi haima n'ebindi mubyabya kundi Jackie mwaliha erihayo ebike ebyabya awithe kandi mwakwama Nyamuhanga. Mwathabya ng'omughombe mughatha kandi omuba. Thwangingabya ithwasi ngathwangakolha thuthi, kutse isithuwithe esyosente esyerikolhawo. Aliryo, busana na Nyamuhanga, anginathukangania enzira kandi ebindu ebikalakalire ngabyangabanika bithi.



Erisaba

Omwahithongole ehyabandu 2 kutse 3 ehyamulhwemo, mukendiyithagha erisabira bino:

- Erisabirana busana n'ebindu ebyamulhwe mukakaniako.
- Erisima Nyamuhanga busana n'esyatalanta esyo abiriha obuli mughuma okwinywe.
- Saba uti ebikakwimanaya erikolesya ebisembo kutse

³Oyuthasibwe (15 Okwakasathu 2020), *Jackie Pullinger* [OKWAMBEHO] Bikasangawa okwa: https://en.wikipedia.org/wiki/Jackie_Pullinger [Byabanawa 18 Okwakani2020]

esyotalanta bihweho.

- Saba uthi Omulimu Abuyirire akuwathikaye omwikolesys ebisembo haima n’esyotalanta busan na bandi.
- Saba uthi ebindu ukakolha bikolhawe ndeke, kandi uthi siwendikolha nabi kutse n’obughatha.



Omulhondo w’Eribuka

Soma omulhondo ow’eribuka omwamulenge munene okwabulimundu omwa kithongole. Neryo bawathikaye erighagho omwisubiriramuho omwamulenge munene murindi minene, abekithongole ibanemusubamo enyuma syaghu.

Nikwa hali misindo-misindo y’olusunzo, nikwa ni Mulimu muguma oyukahalo. Kandi hali misindo-misindo y’emibiri, nikwa bakakolera Omukama muguma. Neryo hali misindo-misindo y’amenge w’erikola, nikwa ni Nyamuhanga muguma oyukaha oko bandu bosi amenge w’erikola emibiri yosi.

1 Abanya Korinto 12:4-6



Ekyerikolha eyenga eno

Lholha emuliro n’erikolha omwamubiri waghu iwunawithe erikirirya uthi Nyamuhanga akendikuwathikya, akendikuha kandi akenndileka ibyakukolera.

Langira uthi mukaghabana emibiri ahakathikathi kenyu enyweboosi. Mwanginakolha ndeke immune haghuma. Kandi mulangire muthi mwamahulikirira abandu abahunerere omwakithongole kundi banawithe ebihano ebiwene ndeke.

Mulangire muthi mwabirithwamo erighunza omubiri kandi simuleghule!

10: Olhwanzo lhya Nyamuhanga Lhukalandaghana



Ekilhubirirwa

Ekilhubiririrwa eky'ekyerigha kino lyerithuwathikya eriyitheghererya thithi thuwithe olhukwamirwa lhunene nga ban aba Nyamuhanga. Thutholere ithwabya kyakakalha omwa kyalo kyethu. Thutholere ithwalabirya ekyakakalha ekyi kyabandi abangakolha kwilabathwe.



Omulhondo w'Eribuka

Soma omulhondo ow'eribuka omwamulenge munene

okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Muleke ekyakakala kyenyu kikoleraye kitya embere sy'abandu, balangire emibiri yenyu mibuya, bapipe Tata wenyu oyuli elubula.

Matayo 5:16



Obwenge bwe Biblia

Somera ab'ekithongole ekihandikire erilhwa omwa Biblia omwamulenge munene, ulangire uthi obulimundu anahulikirire kandi anemukenga.



Kibambangene okuherenzya abandu (Matayo 25:31-45)

³¹*Nikwa omugulu Omugala w'omundu asyasa omo lukengerwa luwe, n'abamalaika bosi haguma naye, asyikala oko kitumbi kiwe ky'obwami ky'olukengerwa. ³²N'ebihanda byosi byasyahindanibwa embere siwe; kandi asyasololabo ng'omulisya kw'akasolola esyombuli omo mbene-hene. ³³Asyahirira esyombuli oko byala biwe by'amali, n'esyombene-hene oko malembe.*

³⁴*Neryo Omwami asyabwira abandu abali oko byala biwe by'amali ati, Mwase, inywe Tata wage abiritsumula, mwimaye obwami obwakokotibawa busana nenyu okw'ihangika ly'ekihugo. ³⁵Kusangwa nabya n'enzala momwanyaganula; nabya nyikwire enyota momwamba aw'eripulya; nabya mugendi, momwanyikokya. ³⁶Nabya ndumbu momwanyambalya; nabya nyilwere, momwanyibana; nabya omo muliki, momwambikako.*

³⁷Neryo abatunganene basyamusubirya bati, Mukama, twakulolako mugulu wahi, erikuha kalyo kwehi? Kutse igukwire enyota itwakuha aw'eripulya kwehi? ³⁸Kandi omugulu wahi twakulolako iguli mugendi, motwakukokya kwehi? Kutse iguli ndumbu motwakwambalya kwehi? ³⁹Kandi mugulu wahi wabya ulwere, kutse omo muliki motwasyakubana kwehi?

⁴⁰N'omwami oyo asyasubiryabo ati, Kwenene ngabuga nenyu nyiti, Ngoko mwakolera omuguma g'oko bagala betu bake-bake aba, momwakolakyo ukw'ingye.

⁴¹Neryo asyabwira ab'oko byala biwe by'amelembe ati, Mulue kwingye, inywe batakirwa! Muye omo muliro wa kera na kera owakokotibawa busana na Satani n'abamalaika buwe. ⁴²Nabya nyikwire enzala, momutanyaganula, kandi nabya nyikwire enyota, momutamba aw'eripulya. ⁴³Nabya mugendi, momutanyikokya, kandi nabya ndumbu, momutanyambalya, nabya nyilwere, kandi nabya omo muliki, momutayanyibana.

⁴⁴Neryo basyamusubirya bati, Mukama, omugulu wahi twakulolako igukwire enzala, kutse enyota, kutse iguli mugendi, kutse ndumbu, kutse igulwere, kutse iguli omo muliki, motutakukolera, kwehi?

⁴⁵Neryo Omwami asyasubiryabo ati, Kwenene ngabuga nenyu nyiti, Ngoko mutakolera omuguma g'oko bake-bake aba, momutakolakyo ukw'ingye.

Ngaba Kristayo, kyikamanyisayki eribya kyakakalha? Ebyebyoosi ebyathukolha n'eribugha. Thwamabya ithwabiributhwa kandi kandi esyangebe syethu iyabiribindukibwa na Yesu; neryo abandi batholere ibabya ibanganabughangoko omundu angikalha engebe

eyiri ngeyethu. Thutholere ithwabya ebembaghane
okwabathuthimbireko.

Ekyakakalha kyanginakolerya ekisenge ekyosi. Kyanginahigha
omwirimya. Omwirimya syangihaho ekyakakalha. Kwathutholere
ithwikalha thuthya. **Erikalha lyethu litholere eryabya
eryembaghane kandi eryaletha embinduke okwabo
abathuthimbireko. Omwamibere eyo, ekyakakalha
kyikalandaghana erilhwa okwamundu erihika okwaghundi.**

Yesu aby'akabugha ekyihandikire athi omughulhu thukaholha, kutse
Yesu akasubulha, thukendisyimana embere syiwe.
Akendisyathuibwira athi abyakwire enzalha neryo athi
mumuthanyiwathikya, kandi athi abyakwire enyotha neryo
mumuthanyiha eky'erinywa. Thukendisyabulha ng'akabughakyi
kundi sithwendisyibuka omughulhu thwasangasangana na Yesu
n'erimuwathikya.

Yesu syamanyisaya athi n'omwakine. Amanyisaya athi
obulimughulhu thukawathikaya omundu, thukamulisaya.
Thwamahayo obuwathikya okw'abandu, thukabya ngabakakyikolera
Yesu, kabutsira omundu oyo.

Yesu anzire ithwanza abandu. Anzire ithwawathikya abandu.
**Ekyakakalha kyethu sibwira abandu oku Yesu lisa, nikanganiabo
Yesu nganindi emyabyosi thukabugha n'erikolha.**

Indi, ng'omulhondo w'eribuka kwakabugha, lyrileka ekyakakalha
kyethu erikolerya embere sy'abandu neryo ekyo kyikamanyisaya
eribya kinekene kandi kinekene kandi kinekene. Sikirimanyisaya indi
thulengekanaye ng'okuthwangabya n'olhwanzo olhu Ihwa
Nyamuhanga okwabandi bandu.

Etadoba yamabiswa kutse yamathendyakibwa, siyirikolha embaghane okwamwirimya owathimbirekwiyo. Yanginabya isiyiho nibya. Omwayindi mibere yingongera omwamwirimya eribya isiyirikolhakiyi. Kulhusyako etadoba iyiryakibawa kandi ekirimi akyabyako, siyirihaho omwirimya. Etadoba yiriho busana neryakibwa iyinemuha ekyakakalha. Nethu thutholere eryaka eriha ekyakakalha. Omwirimya atholere iniaghenda kandi esyendisyasubulha omughulhu thunemwaka.

Busana n'ekyalo kyethu kutse ekyalo ekyathuhererenie nakyo, habwaki iwuthaha obweghesibwa buno bwaghundi mundu kutse eritsuka ekithongole ahandi, Nikwa nabo bangabya kyakakalha ahabikere.



Erihanulha

Mughenda omwakithongole ekyabandu nga 3 kutse 4. Muhanule okwabibulyo bino, eribulya abandu eribwira abandi omwakithongole ebirengekanio byabo babirighunza erihanulha.

- Thwamighakiyi omwabweghesibwa buno kandi thukaghenda eriyakolhakiyi lino ekyathuthalhwe thukakolha okwitsuka?
- Thukathunga bitsibu byahayi kandi thwangabilhwa omwabitsibu ebi mwathuthi?
- Thwanginatsuka eribya kyakakalha omwabyalo byehtu?



Erisaba

Mubye babiribabiri omwakithongole kyenyu kandi musabirane okubino.

- Musabe muthi obulimundu athunge ekisembo ekyerikolera n'eriwathikya abandi bandu.
- Thusabe thuthi Nyamuhanga athuwathikaye eribana emibere mihyaka eyerikolhomwekyi.

Kandi ngekithongole ekyosi:

- Musabire omubiri owamukakolha, muthi Nyamuhanga athoke eribakolesyagho ndeke. Musabe muthi ahe ekyakakalha kyabandu omwa kyalo kyenyu.
- Musabe muthi Nyamuhanga akendibawathikya eribwira abandi okwabyamulhwe mukakolha kandi kulhabirirya ngamukakyikolha muthi.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Muleke ekyakakala kyenyu kikoleraye kitya embere sy'abandu, balangire emibiri yenyu mibuya, bapipe Tata wenyu oyuli elubula.

Matayo 5:16



Ekyerireberyako ithwe Erighenderako: Ekanisa ey'Erimbere

Ghabana omughane ono nabulimundu eribakakamirirya.

Omughane ow'ekanisa ey'erimbere omwa kitabu ekya Emibiri ya Bakwenda ni mugthane ow'eriswekya. Akathuibwira omwatsi wa Yesu akalhwa okwa banywani ba Yesu erihika okwamuyi mukulhu omwakihugho ekyosi okwamughulhu oyo, e Roma.

Eki kyikabya omwamilingo minene, baithu omulingo mukulhu kiri kithi abandu banene mubingiramugho. Syabya mundu muguma musa; aliwe babya bandu banene erikolera haghuma omwikolha erisonda Iya Nyamuhanga.

Omukwenda Paulo abyamundu mukulhu kutsibu omwa kitabu ekye Emibiri ya Bakwenda. Abya akaghenda okwasyangendo sinene kandi mwawathikya abandu eriminye Yesu. Abya akahindania abandu omwamwanya nerikangiriryo. Obundi buthuku, abandu ibakalhamibawa kandi obundi buthuku abandu ibakawathikibawa. Paulo mwaminye kwathe angakolha iyowene, neryo mwabya akakakamirirya abandu ababya akasangasangana nabo eribya haghuma nayo omwamubiri.

Erighunzerere Paulo mwithibwa busana n'eribya muKristayo, baithu emibiri yiwe yikineho nalino kundi mwawathikya abandi bandu, mwabakangya Yesu kandi mwabayikethera. Mwayikethera athi Nyamuhanga anganakolesyabo erikolha ebindu ebikalire binene.

Lithya ng'ekanisa ey'erimbere, thwanginakolha ekiri ngekyo nibya. Thutholere ithwayikethera abandi bandu. Kwamuhwa, thwanginawathikya abandu banene ngokuthwangathoka, kandi ughabane ekyerigha kino n'abandi niko bangigha 'Erinzya Ekyalo Kyabo' nibya.



Erihanulha

Mughende omwa kithongole ekyabandu nga 3 kutse 4. Muhanule okwabibulyo bini, eribulya abandu eribwira abandi abomwakithongole ebirengekanio byabo enyuma w'erighunza erikania.

- Thwangaghabana thuthi 'ekyakakalha' haima n'abandi bandu omwa kyalho kyethu kutse omwabyalo ebithuthimbireko?
- Nindi eyathwangaghabana nayo ekyerigha kino kandi omwikolha, eriwathikya eribya kyakakalha omwabyalo byabo?

Handika amena awabandu kandi kolha mwamubiri wawu eribabwira oku Yesu kandi bakakamiriraye eritsuka eryanza ebyalo byabo.



Omulhondo w'Eribuka

Soma omulhondo ow'eribuka omwamulenge munene okwabulimundu omwa kithongole. Neryo bawathikaye erighagho omwisubiriramugho omwamulenge munene murindi minene, abekithongole ibanemusubamo enyuma syaghu.

Muleke ekyakakala kyenyu kikoleraye kitya embere sy'abandu, balangire emibiri yenyu mibuya, bapipe Tata wenyu oyuli elubula.

Matayo 5:16



Ekyerikolha eyenga eno

Eyenga eno mulholhe embere erikolha okwa mubiri waghu. Omwasyayenga esikasa mukendiyithagha erilholha embere n'ekyi kandi n'erilholha embere n'eriwathikya abandu omwa kyalo kyaghu. kandi n'eribwira abandu oku Yesu, ekyo kyamutholere erikolha nga baKristayo.

Mukendibya imwabirilhangira indi eri lyerighunzerera lyekyerigha. Aliwe, ekyo sikyirimanyisaya ambu thuleke erikolha ebindu ebyathwamabirihiraho erikolhwa. Obuli yenga utholere erilholha embere n'erisangasangana haghuma kandi n'erikolha emibiri eyawabiritsuka. Thulhwe thukalengesya erikuwathikya erilhangira ekyawanginakolha.

Kundi eno ni yenga ey'erighunzerera, thwanzire ukole ekindu ekyambaghane. Habwakyi uthabirikira abandi bandu omwakyalo baghuma kutse erighenda omwakindi kyalo ekyihererenie naghu neriyababwira okwamusomo ono kandi nebyaghulhwe ukakolha.

Bahe ebyawalhabiremo Kandi ngabyabirikuwathikaya bithi.
Bakakamiririaye eritsuka omusomo ono, ubahe ekitabu kino kutse
ubihire omo kitabu kino mw'ekyabo. Kino kikamanyisaya kithi
wangenaho obuthuku bwaghu kandi n'esyasente eriha ekitabu kino
mw'ekindi kutse eriwathikya ekithongole ekindi eritsuka. Omwikolha
ekyo, wangenawathikya abandi omwalhughendo lhwabo
olhwerighenda na Nyamuhanga Kandi n'eriwathikya bo 'Eryanza
Ekyalo Kyabo'.

Emilhondo ey'Eribuka

‘Netu twabiriminya, kandi twikirirye olwanzo olo Nyamuhanga abiritwanzamo. Nyamuhanga ni lwanzo, n’oyuli n’olwanzo amatikene na Nyamuhanga, kandi Nyamuhanga amatikene naye.’

1 Yoane 4:16

‘Mwaminyikala omo kiosekanio ky’omundu, Neryo mwayikehya, mwabya akowa, erihika oko luholo, lo luholo w’omusalaba.’

Abanya Filipi 2:8

‘Nikwa abosi abamukokaya, n’erimwikirirya, mwahabo ehamuli eribya bana ba Nyamuhanga. Nikwa mobatabutwa mo bana ba Nyamuhanga omo nzira y’omubiri, kutse omw’isonda ly’omubiri, kutse omw’isonda ly’abandu, nikwa Nyamuhanga yo wabutabo.’

Yoane 1:12-13

‘Simuyibikire bindu muna-kihugo, aho ehinyurugunzu n’amakenge bikaheraya, kandi aho abarahi bakatula n’eriiba. Nikwa muyibikire ebindu elubula, aho ehinyurugunzu n’amakenge biteheraya, kandi aho abarahi sibetula n’eriiba. Kusangwa ahali ebindu byawe, ho mutima wawe asyabya nibya.’

Matayo 6:19-21

‘Neryo abikiriraya bosi mobabya haguma, mobasangira ebindu byosi byo haguma. Kandi mobagulya esyombibi syabo n’ebindu byabo, ibakasangira ebindu byosi ebyo n’abandi bosi, ng’obwaga b’obuli mundu.’

Emibiri 2:44-45

‘Naye mwasubirya ati, Litolere iwanza Omukama Nyamuhanga wawe omo mutima wawe gosi, n’ekirimu kyawe kyosi, n’omo maka wawe gosi, n’omo bulengekania bwawe boshi; kandi iwanza mulikyenyu ngoko uyanzire.’

Luka 10:27

‘Nikwa mutsuke erisonda Obwami bwa Nyamuhanga n’eritunganene riwe, naye asyabaha ebindu byosi ebi.’

Matayo 6:33

‘Nikwa erikirirya ni ’minya kundu emyatsi eyo tukahira kw’amaha, kandi ni’riga kwenene emyatsi eyo tutelangira...Kandi ahate erikirirya omundu siangatoka eritsemesya Nyamuhanga, kusangwa litolere oyukahika uku Nyamuhanga inikirirya ko Nyamuhanga aneho, kandi kw’akahemba abakamusonda-sonda.’

Abaebrania 11:1 haima no 6

‘Nikwa hali misindo-misindo y’olusunzo, nikwa ni Mulimu muguma oyukahalo. Kandi hali misindo-misindo y’emibiri, nikwa bakakolera Omukama muguma. Neryo hali misindo-misindo y’amenge w’erikola, nikwa ni Nyamuhanga muguma oyukaha oko bandu boshi amenge w’erikola emibiri yosi.’

1 Abanya Korinto 12:4-6

‘Muleke ekyakakala kyenyu kikoleraye kitya embere sy’abandu, balangire emibiri yenyu mibuya, bapipe Tata wenyu oyuli elubula.’

Matayo 5:16

Ebihandiko

Eryanza Ekyalo Kyaghu

Eryanza Ekyalo Kyaghu nikyerigha ekyikalhubirira erikuwathikya haima nekithongole ekyabanywani baghu erirebya ngokumwangawathikya eryanza ekyalo Kyenyu omwamikolere erilha omwa Ngulhu Yowene. Ekitabu kino kyikendikuwathikya eriminy habwaki utholere iwabya ukakolha okwamibiri eyomwakyalo kyenyu kandi kyekendikuwathikya erirengkania ngokuwangakolhakyo ghuthi. E Biblia ikathuha emyatsi mikulhu mikulhu, thwangaghaniryakuyo haghuma n'erihira omwamikolere; ikendithuwathikya erihindulha ahathwikere.

**Thuhikeko erilaba okwa hello@dignityonline.org.uk
kandi +44(0)7340 573 937.**

**Eribana ebitabu byethu ebyamathahandikwa, hika
okwa:
www.dignityonline.org.uk/publications**

Lhukonzo 1st Edition

Ekisosano ekye kyikuningiro: Amani Brown